

## Carta de San Pablo a los ROMANOS

*Roma vāme* cūti macana, Jesucristore ajitirūnūrāre Pablo ī ucacōare queti

<sup>1</sup> Үм ñaja Pablo vāme cūtigū adi quetire mūare ucacōagū. Jesucristo, ī bojasere yigū ñaja ym. Үre besecōari, yre cōacami Dios, “Үм macū suorī quēnaro ym yise quetire gājerāre gotimasiodirūcūja mū” yigū.

<sup>2-3</sup> Adi quetire Jesucristo ī bajirotire quēnasere ucasmomasīñuma īna tirūmuanajm Diore gotirētosariarā. To bajiri adigodojūre masure bajiro rujm cūticōari ī ruyūare ti ñajare, tirūmūana ī bajirotire yirā īna ucariarore bajirone bajiyumi. To bajiri, “Үjm David ñamasir'i jānami ñañumi”, īre yimasajaja mani. <sup>4</sup> To bajiri ī sīacoro bero, Dios ī masise rāca īre catiocōari, “Ñajediro ūjm ñaña mū” īre ī yire ti ñajare, “Jesucristo mani ūjm, Dios macūne ñaami”, īre yimasajaja mani.

<sup>5</sup> To bajiri Jesucristo suorī quēnaro yre yigū, yre goticudirotiyumi Dios, “Tocārāca sitana ī macū ī bajirere ajicōari, quēnaro īre ajitirūnūato” yigū. <sup>6-7</sup> To bajiri mūa quēne Roma ñarā, “Cristore īre ajitirūnūña” Dios ī yirere cūdiriarā ñaja mūa, Jesús yarā. Mūare buto maiami Dios. Jesúsre ajitirūnūrā ñari, Dios rīa ñañuja mūa. Mūare quēnarotigū, mani jacū Diore, to yicōari, mani ūjm Jesucristore, ado bajise mūare sēnibosaja ym: “Quēnaro īna ñarotire yirā, īnare ejarēmoña”, mūare yisēnibosaja ym.

*Roma macanare Pablo ī ñagū* varūare queti

<sup>8</sup> Ñasūose ado bajise mūare gotiaja ym: Cristore īre mūa ajitirūnūsere gotirūgūama tocārāca macariana. To

bajiro ñna yisere ajicõari, “Dios ï yise suorine Cristore ajitirũnurãma” yimasigũ ñari, “Quẽnaro yaja mu”, Diore ïre yaja yu. <sup>9</sup> Tocãrãcaine Diore yu sãnijama, muare quẽne sãnibosarũgũaja yu. Dios yure ï rotirore bajiro buto cudivariquẽnaja yu. ï yirore bajiro cudigu ñari, ï macu suorine quẽnaro ï yise quetire goticudirũgũaja yu. To bajiri, masiami Dios, muare yu sãnibosasere. <sup>10</sup> Diore sãnigũ, “Mu bojajama, no bojarirũmu ñnare ïacudigu varucuja yu”, ïre yisãnirũgũaja yu. Mua tujũ varu, tuoĩacõa ñarũgũboaja yu. <sup>11</sup> “Butobusa Jesũre ajitirũnuato” yigu, muare ejarẽmorũaja yu. <sup>12</sup> Mua quẽne, yu quẽne, “Butobusa ïre ajitirũnurãsa mani” yigu, mani gãmerã ejarẽmosere bojaja yu.

<sup>13</sup> Cojoi me mua tujure yu varuarũgũboasere masiña mua, yu mairã. “Gaje sitana yu gotisere ajicõari, Cristore ïre ñna ajitirũnucatore bajiro mua rãcana quẽne ajitirũnuato” yigu, varuarũgũboaja yu. Mua ñarojũre varua tuoĩagũ ñaboarine, mua tujure vamasibeticajũ yu. <sup>14-15</sup> Yu moare ñaja Jesucristo ï bajire suorine Dios quẽnaro masare ï yisere gotimasiore. Griego ocare ñagõrãre quẽne, ñna mere quẽne, quẽnaro masirãre, masimenare quẽne gotimasioroti ñaja yure. To bajigu ñari, Roma macajũ ejacõari, mua rãcanare quẽne buto gotimasiorũaja yu.

*“Masa, Jesucristore ïre ajitirũnucõari, quẽnaseayere ñna bujajare, tire gotibojonebeaja yu”*, Pablo ï yire queti

<sup>16</sup> Jesucristo ï bajire suorine masare quẽnaro Dios ï yise queti, quẽnase ñaja. Tire ajicõari, Jesucristore ñna ajitirũnũjare, rojose ñna yise vaja rojose ñna tãmuotujabetirotire ñnare yirẽtobosami Dios. Quẽnaro ï yise ñajare, ti quetire gotibojonebeaja yu. Jud'io masa, ti quetire ajisucocajũ. Tijũ bero, ajisuyarũtuajama jud'io masa me quẽne. <sup>17</sup> Ado bajiro yaja ti queti: “ “ ‘Ñie rojose mana ñaama’

yato Dios” yigũ, yũre rijabosayumi Jesús’ yituoĩarãre, ‘Ñie rojose mana ñaama’ ñnare yĩaami Dios”, yaja ti. Ìjũne to bajiro ì yire ñajare, to bajiro tuoĩaja mani. Tirene gotiaja Dios ocare masa ñna ucamasire. Ado bajiro gotiami Dios: “ ‘Ñie rojose magũ ñaami’ yũ yĩavariquẽnagũma, ‘Cristo suorine Diorãca quẽnaro ñaja yũ’ yigũ ñari, ‘Ì rijato berojũ tudirijabeticõato ì yigũ, yũ catisere yũ ìsigũ ñarucumi ì ùgũma”, yigotiaja Dios ocare masa ñna ucamasire.

*“Masa jediro rojose yirã ñaama”, Dios ì yĩase queti*

18-19 “Ado bajiro ti bajijare, ‘Rojose mana ñaama’ Dios manire ì yĩasere bojaja mani jediro”, yigotimasiogũagũ yaja yũ. Dios ì rujeorere ìacõari, “To bajiro tuoĩagũ ñagũmi”, yimasiroti ñaja. To yicõari, “Masa rojose ñna yisere ìategũ ñaami”, ìre yimasiroti ñaja. “To bajiro tuoĩagũ ñagũmi” ìre yimasiroti ti ñaboajaquẽne, ìre rũcubuoeticõari, rojose yirã ñari, gãjerã ìre ñna masirũaboasere “Ìre masibeticõaña” yirã yama. To bajiro ñna yijare, rojose ñnare ì yijama, riojo yigũ yirucumi Dios. <sup>20</sup> Ìabũjayamagũ ì ñaboajaquẽne, ì rujeorere ìacõari, “ ‘To bajiro yir’i ì ñajare, ì masisere masiaja’ yũre yato ñna” yigũ, adi macarũcũrore rujeomasiñumi Dios. To bajiri, tire ìacõari, “Ñagũmi mani rẽtoro masigũ, adi macarũcũrojũre yirũjeosũor’i”, yire ñacoayuja. To bajiro yire ti ñnacoadjare, “Diore masiña manicajũ ti”, yimasiña maja. To yicõari, “Dios ì bojabetire masibecũ ñari, no yũ bojarone yirũgũcajũ yũ”, yimasiña maja. <sup>21</sup> Tirũmũjũ, Diore masiboarine, quẽnaro ìre rũcubuoeticõarimasiñujarã masa. Quẽnaro ñnare ì yiboajaquẽne, “Quẽnaro yaja mũ”, ìre yibetimasiñujarã ñna. To bajiro bajirã ñari, socasejũare ajitirũnucõari, Dios ì ñajama, rojose ti ñaboajaquẽne, “Quẽnasere yirã yaja mani”, yicoayuma ñna. <sup>22</sup> To bajiro bajica yirãne, “Bũto masirã ñaja yũ”

yicōarã ñaboarine, ñamasusejuarema masiriticoayuma ña. <sup>23</sup> Dios rijabetirocujare ñe rñcubneticōari, masa rijarona rujere bajirojua quēnorujeocōari, rñcubuojuarã ña. To yicōari, vurãre bajirã, vaibucurãre bajirã quēnorujeocōari, rñcubuojuarã ña.

<sup>24</sup> To bajiri, ñe ña ajitirñnetijare, “Rojose ña yiruarocōro yicōa ñato ña”, ñare yicōañuju Dios. To bajiro ñare ñ yijare, butobusa bojoneose yirñtuasujarã ña. <sup>25</sup> Dios yere ajitirñneticōari, socasejuare ajitirñneturñtuasujarã ña. To yica yirã, Diore jediro rujeor'ijare ñe rñcubneticōari, ñ rujeorejuare ña masune quēnorujeocōari, rñcubuojuarã ña. Diójua ñaami masa ña rñcubnetujabetirocuma. To bajirone bajimnorñgōato.

<sup>26</sup> To bajiri gaje vamejua rñe masa ña rñcubneticōa ñajare, “No ña bojaro yicōa ñato ña”, ñare yicōañuju Dios. Ado bajiro yirñgññujarã ña: “Rōmia, ñmua rãca yiruarãma” Dios ñ yiboarere yibeticōari, rōmia rñe gãmerã ajeriarã cutiyujarã ña. <sup>27</sup> Ñmua quēne, “Rōmia rãca yiruarãma” Dios ñ yiboarere yibeticōari, ñmua rñe buto gãmerã yirñacōari, gãmerã yiyujarã ña. To bajiri ña rujuriaye rãca bojoneose yirã ña ñajare, rojose ñare yiyuju Dios.

<sup>28</sup> Ñe ña ajibeti vaja, “No ña bojaro bajicōato”, ñare yiyuju Dios. <sup>29-31</sup> Rojose ña yijama, ado bajiro yirñgñrãma: Jairo gajeyeñi curã ñaboarine, jaibusaro bojarēmorã ñarãma. Gãjerãre, “Yñ rēto busaro quēnaro ñaama”, yñajñnisinirã ñarãma. Gãjerãre sñã, buto oca josajai, socajairã ña, bajirãma. Gãjerã rojose ña yirere ajicōari, gãjerãre gotirudijairã ñarãma. Masa ña ajiro rñjorojua quēne, socarãne, “Ado bajise rojose yima”, yigotirãma. Diore ñe terã ñarãma. Gãjerãre tud'irã ñarãma. “Ñamasurã ñaja yua”, yijairã ñarãma. Gãjerãma, “Ñamasurã ñaja yua” yitñoiarã ñaboarine, “To

bajiro bajirã ñaja yua”, yimenama. Rojose ñna yiro tire quẽnaro yimasirã ñarãma. Ñna jacuare ocarẽtorã ñarãma. “Quẽnase ñaja. Rojose ñaja”, yimasimena ñarãma. Ñna goti rore bajiro yirã me ñarãma. Gãjerã ñna yarã ñna ñaboajaquẽne, ñnare ñamaimena ñarãma ñna. Maioro bajirãre sutiritiãmena ñarãma ñna. To bajiri, rojose jediro yirã ñarãma. <sup>32</sup> To bajiro yirãrema, “‘Rojose ñna yise vaja, rojose tãmuotujabetiriaroju cõarucuja yu’ yiyumi Dios” yimasicõarã ñaboarine, rojose yitujamenama. To yicõari, ñna yirore bajiro gãjerã ñna yijama, rojose ñna yisere ñacõari, buto variquẽnarãma ñna.

## 2

“Rojose, quẽnase masa ñna yisere ñabeserucumi Dios”, yire

<sup>1</sup> “Rojose ñna yise vaja Dios rojose ñnare ñ yijama, riojo yigu yigumi” yituoĩacõari, “Quẽnarã ñaja yua; yuarema rojose yibecumi” mua yituoĩaboajaquẽne, “Yuare quẽne, rojose yuare yato Dios” yirã yirãja mua. Rojose ñna yirore bajirone rojose yaja mua quẽne. To bajiri, “Rojose yimena ñaja yua”, yimasimenaja mua. <sup>2</sup> “Dios ñnaami, ‘Rojose ñna yise vaja rojose tãmuoruarãma’ yĩamasigũma”, yimasijaja mani. <sup>3</sup> “Rojose ñna yise vaja rojose ñnare yirucumi Dios” yicõari, “Rojose yibetirucumi yuarema”, ¿yituoĩaboati mua, ñnare bajiro rojose yirã ñaboarine? <sup>4</sup> Rojose mua yise vaja guaro rojose muare ñ yibetijama, “Manire maigũ ñari, rojose yibetirucumi Dios”, ¿yituoĩaboati mua? To bajiro me bajijaja. Muare ñamaicõari, rojose mua yise vaja guaro rojose muare yiruabeami Dios. Rojose mua yisere sutiriticõari, mua tũoĩavasoarotire bojaami. Rojose mua yisere “Yitujato” yigu, muare yugu bajiami maji. <sup>5-6</sup> To bajiri rojose mua yise vaja rojose muare ñ yibetijare, “Rojose yirã yaja yua” yisutiritimena ñari,

rojose yitujabeaja mua. To bajiri, rojosere mua yicōa ñarūgūjare, masare ī beserirūmu ti ejaro, rojose yirāre rojose tāmūotujabetiriaroju ī cōarotirūmu buto mware jūnisinigū ñari, rojose mware yirūcūmi Dios. To ī yijama, “Ī yirore bajiro yigu ñaami”, yimasire ñaruarōja. <sup>7</sup> Sīgūri quēnasere yitujamena ñaama ĩna. “Quēnaro yirūgūcaju mua’, manire yato ī Dios”, yituoīarā ñaama. Dios tujū ĩna ñarotire bojarā ñaama. To bajiro ĩna tuoīajare, ĩna rijato beroju “Tudirijabeticōato” yigu, ī catisere ĩnare ĩsirūcūmi Dios. <sup>8</sup> Gājerājūama to bajise tuoīarā me ñaama ĩna. ĩna bojarore bajiro tuoīarā ñari, Diore ajimena ñaama ĩna. ĩre ajimena ñari, rojose yirūgūama ĩna. To bajiro ĩna yise ñajare, buto jūnisiniami Dios. ĩnare jūnisinigū ñari, masare ī beserirūmu ti ejaro, rojose tāmūotujabetiriaroju ĩnare cōarūcūmi. <sup>9</sup> Jud'io masa, jud'io masa me quēne, rojose yirāma, buto rojose tāmūoruarāma ĩna. <sup>10</sup> Quēnasere yitujamenajuarema, “Yū rāca quēnaro ñaruarāja mua”, ĩnare yirūcūmi Dios. To bajiro yirūcūmi, jud'io masare, to yicōari jud'io masa mere quēne.

<sup>11</sup> Masare ī ĩabesejama, “Ānoama rojose yirā ĩna ñaboajaquēne, ñamasurā ĩna ñajare, ĩnare quēnaro yirūcūja yū” yigu me ñaami Dios. To bajiro yigu ñari, rojorāre rea, quēnarāre jua, yirūcūmi. <sup>12</sup> Jud'io masa me ñarāre, Moisére Dios ī roticūmasirere cūomena ĩna ñaboajaquēne, rojose ĩna yise vaja rojose tāmūotujabetiriaroju ĩnare reacōarūcūmi. To yicōari, Moisére Dios ī roticūmasirere cūorāre quēne, tire cūorā ñaboarine ĩre ĩna cūdibeti vaja rojose tāmūotujabetiriaroju ĩnare reacōarūcūmi. <sup>13</sup> “Dios ī rotimasirere cūorā ñaja yūa” yirā ñaboarine, ti rotirore bajiro ĩna cūdibetijama, ñie vaja maja. “Quēnase yirā ñaama”, ĩnare yīīabetirūcūmi Dios. ĩ rotimasire ti yirore bajiro cūdirā rīne ñaruarāma, “Quēnase yirā ñaama” ĩ

yīfarã. <sup>14</sup> To bajiri jud'io masa me ñarã, Moisére Dios ĩ roticūmasirere masibetiboarine, quēnasere ĩna yijama, Dios ĩ rotimasirere ajicōari, cūdirãre bajiro bajirãma, ĩ bojasere yirã ñari. To bajiro yirã, Dios ĩ ucarotimasirere cūomena ñaboarine, rojose ĩna yisere masirãma, Dios ĩ masisere ĩnare ĩ cōase ti ñajare. <sup>15</sup> “Dios ĩ rotise ñaja ti” yimasimena ñaboarine, Dios ĩ bojasere masirãma ĩna. To bajiri rojose ĩna yijama, “Rojose yirã yaja yua”, yituoīarãma. To yicōari, quēnasere ĩna yijama, “Quēnase yirã yaja yua”, yituoīarãma. <sup>16</sup> To bajiro masa ĩna yituoīarūgūse ñajare, masare ĩ beserirūmu ti ejaro Jesucristore cōarucūmi Dios, masa jediro ĩna tūoīarūgūrere ĩacōari, “ ‘Ado bajiro tūoīarã ñari, quēnase bujarã, rojose tãmuorã, bajiruarãja mua’ ĩnare yato ĩ” yigu. To bajiro ĩ yiroti ti ñajare, Jesucristo manire ĩ rijabosare suorine Dios quēnaro ĩ yise quetire yu gotimasiojama, tire quēne gotirūgūaja yu.

“*Moisére Dios ĩ roticūmasirere* cūdirã ñari, Dios yarã ñaja yua”, jud'io masa ĩna yire queti

<sup>17</sup> Ado bajiro yituoīaboarãja mua jud'io masa sīgūri: “Jud'io masa ñari, Moisés ñamasir'ire Dios ĩ roticūmasirere rūcubuoaja yua. To bajiri Dios yarã ñaja yua, rojose ĩ yibetirona”, yituoīaboarãja mua. <sup>18</sup> Moisére Dios ĩ roticūmasirere cūorã ñari, ĩ bojarore bajiro yirere masirãja. To yicōari, “Dios ĩ rotimasire masicōari, quēnasere yimasirã ñaja yua”, yirãja mua. <sup>19-20</sup> To bajise yituoīarã ñari, ado bajiro tūoīaboarãja mua: “Dios yere masimenare gotimasiorimasa ñaja mani”, yiboarãja mua. “Rojose yirãre Dios ĩ bojasejuare gotimasioaja mani. To bajiro mani yibetijama, rīamasare bajiro tūoīacōa ñaruarãma”, yituoīaboarãja mua, “Dios rotimasirere cūorã ñari, Dios ye jediro riojo masijeorã ñaja

mani” yituoīarā ñari. <sup>21</sup> To bajiri gājerā masare goti-masioboarine, ¿m̄ajumama gājerāre m̄a gotimasiorore bajiro yibeati m̄a? Gājerā masare, “M̄a juarudijama, quēnabeaja ti” yigotiboarine, m̄ajumama juarudirāja m̄a. <sup>22</sup> “M̄a manajo me rāca, rōmia quēne m̄a manajum̄ me rāca m̄a ajeriarā cutijama, quēnabeaja ti” yirā ñaboarine, m̄ajumama, ¿no yirā tire yicōarūgūati m̄a? “Gājerā masa, Diore masimena, ña masune ña quēnoriarājum̄are r̄ucub̄osocarāma. To ña yisere ĩaterā ñaja yum̄a” yigotiboarine, ¿no yirā ña yir̄ucub̄osocariviriayere ñasere juarudiati m̄a? <sup>23</sup> “Moisére Dios ĩ roticūmasirere ñamasusere c̄oaja yum̄a” yivariquēnarā ñaboarine, ti rotirore bajiro yimenaja m̄a. To bajiro m̄a bajijama, Diore terā bajirāja m̄a. To bajiro m̄a bajisere ĩacōari, gājerā masa quēne, ĩre terāma. <sup>24</sup> Ti ũnire gotiaja Dios ocare masa ña ucamasire: “ ‘Dios yarā ñaja yum̄a’ yigotirā ñaboarine, rojose yirūgūrāja m̄a. To bajiri Diore masimena quēne, ‘Rojosere quēnaro yigum̄a ñagūmi Dios’ yituoīaama ña”, yigotiaja Dios ocare masa ña ucamasire.

<sup>25</sup> Circuncisión yiecoriarā ñarāja m̄a. “ ‘Dios yarā ñaja yum̄a. To bajiri ĩre c̄dirona ñaja yum̄a’ yimasiritibeticōato ña” yigum̄a, to bajiro mani ñic̄are yirotimasĩnumi Dios. To bajiro Dios manire ĩ yirotimasire ti ñajare, ĩ rotimasire ñaro cōrone mani c̄dijeocōajama, circuncisión mani yiecore, vaja cutiboroja ti. To bajiboarine Dios ĩ rotimasire jediro c̄dijeomena ñari, circuncisión yiecobetiriarāre bajirone bajicōaja mani. <sup>26</sup> No bojarā, circuncisión yiecoyamana ña ñaboajaquēne, Dios ĩ roticūmasirere masibetiboarine, ti yirore bajiro ña yijama, “Yum̄a yarā ñaama”, yĩagūmi Dios. <sup>27</sup> Jud'io masajumama, Dios ĩ rotimasire masa ña ucamasire c̄orā ñaboarine, to yicōari, circuncisión yiecoriarā ñaboarine, Diore quēnaro c̄dimenaja m̄a. Gājerā masa circuncisión yiecobetiri-



arã ñaboarine, Dios ï roticũmasirere masibetiboarine, ti yirore bajiro yirã ñarãma. To bajiro bajirã ñari, mũare jud'io masare ïacõari, “Rojose yirã ñaama”, mũare yĩaruarãma. <sup>28</sup> Jud'io masa quẽnase ñna gotiboajaquẽne, to yicõari quẽnase ñna yiboajaquẽne tire ïacõari, “Jud'io masa masu ñaama”, yĩabeami Dios. Circuncisión yiecoriarã ñna ñaboajaquẽne, “Jud'io masa masu ñaama”, ñnare yĩabeami Dios. <sup>29</sup> Dios ï ñajama, Esp'iritu Santo ï ejarẽmose rãca tũoĩarã rĩne ñaama ï yarã, jud'io masa masuma.

### 3

<sup>1</sup> To bajiro yũ gotisere ajicõari, ado bajiro tũoĩarãja mũa jud'io masa sĩgũri: “No yirã, ‘Jud'io masa ñaja yũ’ yimenaja mani. Jud'io masa mani ñajaquẽne, ñie bũjamenaja. Circuncisión yire quẽne, ñie vaja manoja”, yitũoĩaboarãja mũa. <sup>2</sup> To bajiro me bajiaja. Cojo vãme me jud'io masare quẽnaro yiyumi Dios. Ñasũose ado bajiro mũare gotiaja yũ: Mani ñicũare ï ocare cũñumi Dios. “Quẽnaro mũare yirũcũja yũ”, ñnare yimasiñumi Dios. Tire ajicõari, ado bajiro tũoĩarãja mũa: <sup>3</sup> “Mani ñicũa sĩgũri Dios ï rotimasirere cũdimena ñna ñajare, ‘Quẽnaro ñnare yirũcũja yũ’ Dios ï yiboarere yibetirũcũmi”, yitũoĩaboarãja mũa. “Diore ajitirũnrũgũruarãja” yirã ñaboarine, ñna yirore bajiro yirã me ñaama masama. Diojuama, to bajiro bajigũ me ñaami. “Quẽnaro ñnare yirũcũja” yir'i ñari, ï yirore bajiro yirũcũmi. <sup>4</sup> Ado bajiro bajiaja: Masa mani socaboajaquẽne, Dioma, socagũ me ñaami. Tirene ucamasiñumi Diore gotirẽtobosarimasũ:

“Mũre yũ cũdibeti vaja, rojose yũre mũ yiro ïacõari, ‘Yirũcũja’ ï yiriarore bajiro yami’ mũre yirũcũbuo variquẽnaruarãma masa. To bajiri, ‘Socagũ ñaami’ mũre yigũ manirũcũmi”, yiuamasiñumi.

<sup>5</sup> Ī rotisere cūmasiņumi Dios, mani ñicũare. “Yũ rotirore bajiro mũa yibetijama, rojose mũare yirũcũja”, ñnare yimasiņumi. To bajiro ĩ yimasire ti ñaboajaquẽne, ĩre ajibeticoayuma ñna. To bajiri, jud'io masare, “Yũ yarã ñnaama”, yĩĩabeami Dios yuja. Jud'io masare, “Yũ yarã me ñnaama” ĩ yirere ajicõari, “Īre ñna cũdibeti vaja, ‘Rojose’ yirũcũja ĩ yiriarore bajirone yigũ ñnaami” yirã ñnari, ĩre rũcũbũoama ñna, jud'io masa me. To bajiri, jud'io masajuama, Dios mũare rojose ĩ yisere masicõari, “ ‘Gãjerã yũre rũcũbũo variquẽnato ñna’ yigũ, yũ yarã me ñnaama jud'io masama”, yigũmi Dios. “To bajiro ĩ yijama, mani rãca rojose yigũ, yigũmi Dios”, ¿yitũoĩati mũa? <sup>6</sup> To bajiro me bajiaja. Masa rojose ñna yise vaja Dios rojose ñnare ĩ yijama, vatojene rojose yigũ me yami. To bajiri, masa rojose ñna yisere ĩamasigũ ñnari, rojose ñnare yirũcũmi Dios.

<sup>7</sup> To bajiro mũare yũ gotisere ajicõari, ado bajiro tũoĩarẽmoboarãja mũa jud'io masa: “Dios ĩ rotimasirere cũdijeobetiboarine, ĩ rotimasirere yirã ñnaja mani. To bajiri rojosere mani yiboajaquẽne, rojose manire yimasi-beami Dios. Rojose mani yise vaja, rojose manire ĩ yijama, rojose manire ĩ yisere ĩacõari, “ ‘To bajiro yirũcũja’ ĩ yiriarore bajiro yigũ yami Dios’ yĩĩacõari, rũcũbũo variquẽnarũarãma jud'io masa me ñnarã”, yitũoĩaboarãja mũa. <sup>8</sup> To bajiro me bajiaja. To bajiboarine, jud'io masare yũ gotimasiosere ajicõari, sĩgũri ado bajiro yũre ñagõ-macarãma ñna: “ ‘ ‘Gãjerã, Diore rũcũbũo variquẽnato ñna’ yigũ, rojose yito mani’ yigũmi Pablo”, socarãne yũre yĩĩagõmacarãma ñna. To bajiro yirãma, rojose tãmũotũ-jabetiriaroju reaecorã ñnarãma.

*“Mani jedirone rojose mani yise vaja, sũoye cũtiaja mani”, yire*

<sup>9</sup> To bajiro m̄are ȳu gotisere ajicōari, ¿ado bajiro yit̄uoīati m̄aa? “Dios manire ĩ ĩajama, ḡajerã masa r̄etoro quēnarã ñaja mani jud'io masa”, ¿yit̄uoīati m̄aa? To bajiro me bajiaja. Mani jud'io masa, jud'io masa me ñarã quēne, ñajediro rojose mani yise vaja s̄oye cutiaja mani, Dios ĩ ĩajama. <sup>10</sup> Tirene, ado bajiro gotiaja Dios ocare masa ĩna ucamasire:

“Jediro m̄u rotirore bajiro cudigu magũmi.

<sup>11</sup> ‘Adi ñaja quēnase. Tij̄ua ñaja rojose’ yimasimena r̄ine ñaama. ‘M̄u bojarore bajiro yir̄uc̄uja ȳu’ m̄are yisēnigũ magũmi.

<sup>12</sup> Masa jediro m̄u ocare ajir̄ũgũboariarã, tire ajit̄ujacōari, rojosejuare yirã ñarãma ĩna. Ḡajerãre quēnaro yirã manama. Quēnasere yirã manimasucōarãma.

<sup>13-14</sup> ĩna ñagōjama, masa yujeriagojerire jāna ũniorãre bajiro yama ĩna. Socajairã ñaama. Ḡajerãre j̄ūnisinicōari, ĩna tud'ijama, ĩna oca, ãña r̄ima j̄ūnisere bajiro budiaja.

<sup>15</sup> Ḡajerãre ĩna tud'ij̄ūnisijama, guaro s̄iarã ñarãma.

<sup>16</sup> Rojose yirã ĩna ñajare, ĩna vacudirijuri ñarãj̄ua, rojose t̄am̄uoama ĩna.

<sup>17</sup> Ḡajerã r̄aca quēnaro ñarere masimena ñaama.

<sup>18</sup> Diore ḡūimena ñari, ĩre r̄uc̄ub̄uomena ñarãma”, yigoti-aja Dios ocare masa ĩna ucamasire.

<sup>19</sup> Dios ĩ rotimasirere, “Mani jud'io masare c̄ũñumi, ‘Ȳu rotisere quēnaro c̄uđiato ĩna’ yigũ”, yimasiaja mani. To bajiri Dios ĩ rotimasirere masiboarine tire yibeticōari, “Ȳuma s̄oye maja”, yimasiña maja. To bajiri, jud'io masa, jud'io masa me ñarã quēne, “Dios ocare ti yirore bajirone, ‘Rojose yirã ñaja’ ”, yimasiaja mani. <sup>20</sup> “‘Ȳu rotiro cōrone c̄uđijeogu ñaja m̄u’ yure yīar̄uc̄umi Dios”, yimasigũ magũmi. “Dios ĩ rotimasire ñaro cōrone yijeomena ñari, s̄oye cutiaja mani”, yimasiaja mani jediro.

*“Jesucristo manire rijabosayumi”* yituoïaräre, “Ñie rojose mana ñaama”, Dios ï yïïare queti

<sup>21</sup> To bajiro yirã ñaboarine, yucurema ado bajirojua yimasiaja mani yuja: “Dios ï rotimasire ñaro cõrone yijeomena ñaboarine, sïgürire, ‘Ñie rojose mana ñaama’ yïïaami Dios”, yimasiaja mani. Mani ñaja, Cristore ajitirünurã ñari, “Ñie rojose mana ñaama” Dios ï yïïarã. To bajiro manire ï yirotire goti rïjoro cutiyuja, Moisére Dios ï roticũmasire, to yicõari, Diore gotirëtobosariarã ña ucamasire quëne. <sup>22-24</sup> Ado bajiro bajiaja ti, Dios quënarõ manire ï yise: Dios ï rotimasire ñaro cõrone cudijeogũ magũmi. To bajiboarine mani jedirore maigũ ñari, “Masa rojose ña yise vaja ñare vaja yibosaaya” yigũ, ï macure cõañumi Dios. ï macũ ï rijabosare ti ñajare, rojose mani yisere manire masirioyumi Dios, Cristore ajitirünuräre. To yigũ ñari, “Ñie rojose mana ñaama”, manire yïïaami Dios yuja. To bajiro bajiaja jud'io masare, jud'io masa me ñaräre quëne. <sup>25</sup> “Masa rojose yiräre rojose tãmuotujabetiriaroju cõaroti ñaja” yir'i ñari, “Rojose tãmuoroma” yigũ, Jesucristore ï macure cõañumi, ñajediro rojose yiräre ñare rijabosarocure. To bajiro ï yire ñajare, masare rijabosayumi Jesús. ï ri'i rãca manire ï vaja yibosare ti ñajare, rojose mani yisere masirioyumi. To ï yijare, no bojagũ Jesúre ajitirünugũre, “Ñie rojose magũ ñaami”, ïre yïïaami Dios. To bajiro ï yijama, “Yirucuja” ï yiore bajiro yigũ yami. <sup>26</sup> To bajiro yir'i ñari, tirũmuanaju rojose ña yisere ñaboarine, rojose ña yise vajare rojose tãmuotujabetiriaroju ñare cõabesumi. To yicõari, yucure quëne, “Rojose yirã ñaboarine, yuare rijabosayumi Jesucristo” yituoïaräre rojose tãmuotujabetiriaroju ñare cõabetirucumi.

<sup>27</sup> To bajiri, “Dios ï rotimasire ti yiore bajirone mani yijare, ‘Quëñase yirã ñaama’ manire yïïagũmi Dios”, yi-

masiña maja. Ado bajirojua yire ñaja: “ ‘Jesucristo mani ɯɯ, manire ĩ rijabosare ñajare, “Ñie rojose mana ñaama” manire yĩagũmi Dios’ yirãjuare, ‘Ñie rojose mana ñaama’ ĩnare yĩagũmi Dios”, yire ñaja. <sup>28</sup> To bajiri, Moisére Dios ĩ roticũmasirere mani masiro cõro quẽnaro mani cudi-boajaquẽne, “Quẽnase yirã ñaama”, manire yĩabecũmi. “Jesucristo manire ĩ rijabosare ti ñajare, ñie rojose mana ñaja mani yuja” mani yisejuare masicõari, “Rojose mana ñaama”, manire yĩagũmi Dios.

<sup>29</sup> ¿Dioma, jud'io masa ɯɯ rĩne ñagũjarique? Bajigũmi, bajigujuma. Bajicõari, jud'io masa me ñarã ɯɯ quẽne ñagũmi. <sup>30</sup> Sĩgũne ñaami Dioma. Gãji magũmi. To bajiri circuncisiõn yiecoriarãre, yiecoyamanare quẽne, “Jesucristo manire ĩ rijabosare ti ñajare, ñie rojose mana ñaja mani yuja” mani yisere masicõari, “Rojose mana ñaama”, manire yĩagũmi Dios. <sup>31</sup> To bajiri, “Jesucristo ĩ rijabosare sũorine manire ĩavariquẽnaami Dios” mani yitũoĩajama, “Moisére Dios ĩ roticũmasirejua vaja mano tujaroja”, yitũoĩarãja mua sĩgũri. To bajiro me bajiaja. Moisére Dios ĩ roticũmasirere rearã me yirãja. “Jesucristo sũori manire ĩavariquẽnagũmi Dios” yimasirã ñari, tire yirẽmorã yirãja mani.

## 4

“ ‘Ñie rojose magũ ñaami Abraham’ yĩamasiñumi Dios”, yire

<sup>1</sup> Abraham, jud'io masa ñicu ñamasir'ire ado bajise ĩ yijare, “Ñie rojose magũ ñaami” ĩre yĩamasiñumi Dios yire quetire mũare gotirũcũja yu. <sup>2</sup> Abraham quẽnaro ĩ yimasire ti ñaboajaquẽne, “Rojose magũ ñaami”, ĩre yibesuju Dios. “Rojose magũ ñaami” ĩre ĩ yijama, “Quẽnaro yigu yu ñajare, ‘Rojose magũ ñaami’ yũre yĩagũmi Dios”, yiborimi Abraham. <sup>3</sup> Ado bajirojua gotiaja Dios

ocare masa ñna ucamasire: “Abrahamre, ‘Quēnaro mure yirucuja yu’ Dios ñre ñ yisere ajicōari, ‘Ñie yirore bajirone bajiruroja’ ñ yimasire ñajare, ‘Ñie rojose magū ñaami’ ñre yīamasiñuju Dios”, yigotiaja ti, Dios ocare masa ñna ucamasire. <sup>4</sup> No bojagu gājire ñ moabosajama, ñre ñ moabosase vaja ñre vaja yigu, ñre ñsigūmi. ñre ñ moabosase vaja bujacōari, “Vaja manone yure ñsigū me yimi. ñre yu moabosase vajare yigu, yure ñsimi”, yigūmi. <sup>5</sup> Tire bajiro me bajaiaja ti, manire Diore ajitirūnrāre. “Dios ñ rotimasire ti yirore bajiro mani yise ñajare, ‘Ñie rojose mana ñaama’ manire yīagūmi Dios”, yituoābeaja. Ado bajirojua tuoārā ñaja mani: “Dios ñ bojarore bajiro yirā me mani ñaboajaquēne, quēnaro manire yigūmi. Rojose mani yisere ‘Manire masirioato Dios’ yigu, manire vaja yibosayumi Jesús. To bajiro manire ñ yibosare ti ñajare, ‘Ñie rojose mana ñaama’ manire yīagūmi Dios, yaja ti, ñ oca. To bajiro ti yijare, to bajirone bajiroja”, yituoārā ñaja mani. To bajiro yituoārāre, “Ñie rojose mana ñaama”, yīagūmi Dios. <sup>6</sup> Tire tuoāgū, David ñamasir'i, ado bajiro ucamasiñumi: “Rojose ñna yisere tuoābecune, ‘Rojose mana ñaama’ ñnare yīagūmi Dios, ñre ajitirūnrāre. To bajiro ñnare ñ yijare, variquēnarurāma”, yucamasiñumi David ñamasir'i. <sup>7</sup> Ado bajiro yucamasiñumi ñ: “Variquēnarurāma rojose ñna yisere Dios ñ masiriorā.

<sup>8</sup> ‘Rojose mani yiro bero, manire masiriocōari, “Rojose yicaju mua. To bajiri rojose muare yirucuja yu” tudiyibetirucumi Dios’ yituoārāma, variquēnarurāma”, yucamasiñumi David.

<sup>9</sup> Variquēnarere ti yijama, jud'io masa, circuncisión yiriarā ñne yiro me yaja. Circuncisión yiecoyamana jud'io masa mere quēne yiro yaja. Abraham ñ bajimasirere tuoāsaque mua quēna: Dios ñre ñ gotimasirere, “Ñie yirore bajirone bajiruroja” yigu ñ ñajare, “Ñie rojose

magũ ñaami”, ãre yiĩamasiñuju Dios. <sup>10</sup> To bajiro ãre ã yijama, ¿circuncisi3n ã yiecoriaro berojua, ã yiecobetojua bajiyujarique? “Ñie rojose magũ ñaami” Abrahamre Dios ãre ã yijama, circuncisi3n ã yiecoroto rĩjorojune ãre yimasiñumi. <sup>11</sup> Dios ãre ã gotimasirere, “ã yirore bajirone bajiruaroja” yigu ã ñajare, “Rojose magũ ñaami”, ãre yiĩamasiñumi Dios. To yic3ari bero, “To bajiro ãre yu yicatre masiritiromi” yigu, circuncisi3n ãre yirotimasĩuju, Abrahamre. To bajiri Abraham circuncisi3n ã yiecoroto rĩjorojune, “Rojose magũ ñaami”, ãre yiĩamasiñuju Dios. To bajiro bajimasir'i ñari, jud'io masa ñicu rĩne ñagũ me bajimasiñumi Abraham ñamasir'ima. “Dios ã yiriarore bajirone bajiruaroja” ã yituoĩamasiriarore bajirone yituoĩarã ãna ñajare, “Ñie rojose mana ñaama” Dios ã yĩarãre quẽne, ãna ñicune ñamasiñumi Abraham. <sup>12</sup> Jud'io masa circuncisi3n yiecoc3ari, Abraham circuncisi3n yiecobecuju, “Dios ã yirore bajiro bajiruaroja” ã yituoĩamasiriarore bajirone tuoĩarãre quẽne ãna ñicu ñamasiñumi Abraham.

*“Cristore mani ajitirũnujama, ‘Yiru3uja’ ã yiriarore bajirone yiru3umi Dios”, yire queti*

<sup>13</sup> “Mure, mu jãnerabatiajare quẽne, adi macarucuro ti ñaro c3rone mure 3jorucuja yu”, yimasiñuju Dios, Abrahamre. “Yu rotisere quẽnaro cudiame” yigu me, to bajiro ãre yimasiñuju Dios. Abrahamjua, “‘Yiru3uja’ Dios ã yiriarore bajirone bajiruaroja” yituoĩamasir'i ã ñajare, “Rojose magũ ñaami” ãre yĩagũ ñari, to bajiro ãre yimasiñuju Dios. <sup>14</sup> “Dios ã rotimasire ti yirore bajiro yirã rĩne, macarucuro ti ñaro c3rone 3jaruarãja” mani yituoĩajama, Dios Abrahamre, “Mure, mu jãnerabatiare quẽne 3jorucuja yu” ã yimasiboarejuaama vaja maniboroja. <sup>15</sup> “Dios ã roticũmasire ti yirore bajiro mani yijama, macarucuro ti ñaro c3rone 3jaruarãja” mani yituoĩajama, riojo gotirã me yirãja mani, Dios ã roticũmasire ñaro

cõrone cudiyeomena ñari. “Macarucuro ɸjaruarãja” mani yituoĩaboajaquẽne, rojose manire yirucumi Dios, ĩ roticũmasirere cudiyeomena mani ñajare. “Dios ĩ roticũmasire mani cudiβetiboajaquẽne, ‘Rojose mana ñaama’ yĩagũmi Dios” yituoĩarã rĩne ñaama “Rojose mana ñaama” Dios ĩ yĩarã.

<sup>16</sup> To bajiri, “Ī yirore bajirone bajiruroja” ĩ yituoĩase ñajare, Abrahamre ĩamaicõari, “Macarucuro jedirore mure ɸjorucuja yu”, ĩre yimasĩñuju Dios. To bajirone bajiaja manire quẽne. Abraham Diore ĩ tuoĩariarore bajiro Diore mani tuoĩajama, manire quẽne, “Abraham jānerabatia ñari, adi macarucuro jedirore ɸjaruarãja mu”, manire yĩagũmi Dios. To bajiri jud'io masa Moisére Dios ĩ roticũmasirere cucõari, Abraham ĩ tuoĩariarore bajirone ĩna tuoĩajama, ĩnare quẽne to bajirone yirucumi Dios. <sup>17</sup> Dios ocare masa ĩna ucamasire quẽne, to bajirone gotiaja: “ ‘Jājarã masa cojo sitana me ñarã ñicu ñarucuja mu’ yigotimasĩñuju Dios, Abrahamre”, yigotiaja. To bajiro Dios ĩ yisere ajicõari, “Ī yirore bajirone bajiruroja”, ĩre yituoĩamasĩñuju Abraham. To bajiri, rijariarãre catiogũ, to yicõari, ñajediro rujeomasir'i ñaami Dioma.

<sup>18</sup> “Bucu ñari, rĩa maniacu bajiaja” Abraham ĩ yituoĩaboajaquẽne, “Jājarã ñaruarãma mu jānerabatia” Dios ĩre ĩ yijare, “Ī yirore bajirone bajiruroja”, yimasĩñuju Abraham. “Bajirucuja mu” ĩ yiriarore bajirone yigu, jediro ñicu ñaami yuja. <sup>19</sup> Abraham, cien cũmari cõro tusacu ñamasĩñuju. Ī manajo rãca, juarãjune bucũrã ñari, rĩa cõtibetiariarãju ñamasĩñujarã. To bajiri, “To cõro bajirearuarãja yua” yimasibetiboarine, “Dios ĩ yirore bajirone bajiruroja”, yicõa ñagũ ñamasĩñuju Abraham. <sup>20</sup> “ ‘Bajiruroja’ Dios yure ĩ yicati bajibetiruroja”, yibecu ñamasĩñuju Abraham. To bajiro bajigu ñari, “Dios ĩ yirore bajirone yirucumi” yigu ñari, “Socagu me ñaami Dios” ĩre



yiajirũcũbuomasucoamasiñuju Abraham. To bajiri, “Mũ yirore bajirone yigũ ñaja mũ”, Diore yivariquēnamasiñuju Abraham. <sup>21</sup> “Í yirore bajirone yirũcũmi. Í yimasibeti manoja, Diorema”, yitũoĩamasiñuju. <sup>22</sup> “To bajiro yũre tũoĩagũ ĩ ñajare, ‘Rojose magũ ñaami’ ĩre yĩĩaja yũ”, yimasiñuju Dios. To bajirone gotiaja ti, Dios ocare masa ĩna ucamasire.

<sup>23</sup> Abraham sīgũrene, “Rojose magũ ñaami”, yiuca ecobesuja Dios ocare masa ĩna ucamasire. <sup>24</sup> Manire quēne, Abraham Diore ĩ tũoĩamasiriarore bajirone ĩre mani tũoĩajama, “Rojose mana ñaama”, yĩĩagũmi Dios. ĩ ñaami mani ɸjũ Jesucristo ĩ rijato bero ĩre cator'ima. <sup>25</sup> “Rojose ĩna yise vaja ĩnare vaja yibosaya” yigũ, Jesucristore ĩre rijaroticõañumi Dios. To yicõari, Jesucristo ĩ rijato bero, “ ‘Rojose mana ñaama’ manire yĩĩagũsa” yigũ, ĩre tudicatoyumi quēna.

## 5

### *Rojose mana mani bajise queti*

<sup>1-2</sup> To bajiri, “Rojose mani yise vaja manire vaja yibosayumi mani ɸjũ Jesucristo” mani yitũoĩasere masicõari, “Rojose mana ñaama”, manire yĩĩagũmi Dios. To bajirã ñari, “Mani rijato berojũ, ĩ rãca quēnaro ñacõa ñarũgũrũarãja”, yivariquēnaja mani. To yicõari, “ ‘Yũre bajiro quēnase rĩne yirã ñato’ yigũ, manire yirēmogũ yami”, yivariquēnaja mani. <sup>3</sup> To bajiro yirã ñari, rojose tãmuobarine, variquēnaja mani. Tiaye rĩne variquēnarã me yirãja mani. Rojose tãmuobarine, “ Jesucristo sũori Diorãca quēnaro ñaja’ yitũoĩarã ñari, rojose yirũabarine, tire yibejũ yũ”, yimasiaja mani. <sup>4</sup> Cojoi me rojose tãmuorã ñabarine, “ Jesucristo sũori Diorãca quēnaro ñaja” yitũoĩarã ñari, rojose yirũabarine, tire yimena ñari, “ ĩ ñarojũ ĩ rãca quēnaro ñarũarãja”,

yituoĩañaruarāja mani. <sup>5</sup> Esp'iritu Santore manire cōañumi Dios. To bajiro ï yiriarã ñari, “Manire maiami Dios”, yimasiaja mani. To bajiri, “Ï ñaroju ï rãca ñabetiruarāja”, yisutiritibetiruarāja mani.

<sup>6</sup> Rojose yitujamasimena mani ñajare, rojose mani yisere masirioru, ï macure cōañumi Dios, “Rojose ña yise vaja, ñnare vaja yibosaya” yigu. <sup>7</sup> Josari ñaroja ti, gãjire ña sãroadone, “Yujuã ïre rijabosarucuja” yirema. Dios ocare ajitirũnugũre ïre ña sãroadijaquẽne, ïre maigũ ñari, “Yujuare sãña”, yimasigũ magũmi. To bajilboarine quẽnaro ïre yigu ï ñajama, “Yujuare sãña”, yimasibogumi, cojojirema. <sup>8</sup> Rojose yirã mani ñaboajaquẽne, Jesucristojuama manire rijabosayumi. To bajiri, “Manire buto maiami Dios”, yimasiaja mani. <sup>9</sup> Rojose yirã mani ñaboajaquẽne, Jesucristo manire ï rijabosare ti ñajare, “Rojose mana ñaama”, manire yĩaami Dios. To bajiri, “Rojose tãmutujabetiraroju manire cõabetirucumi”, yimasiaja mani. <sup>10</sup> Rojose mani yisere ïategu ñaboarine, tire masirioru, ï macure manire cōañumi, “Ïnare rijabosaaya” yigu. To bajiri ï macu manire ï rijabosaro bero ïre catiocõari, “Rojose mana ñaama”, manire yĩajũnisini tujayumi Dios. To bajiri, ado bajiro yimasiaja mani: “ ‘Dios tujũ ï rãca quẽnaro ñato’ yigu, butobusa manire yirẽmorũgũrucumi Jesucristo”, ïre yivariquẽnaja mani. <sup>11</sup> Ti rĩne yivariquẽna tujamenane, “Jesucristo mani uju manire ï rijabosare ñajare, Diorãca quẽnaro ñaja mani”, yivariquẽnaroti ñaja.

*Adán ï bajire, to yicõari, Jesucristo ï bajire rãca Pablo gotire*

<sup>12</sup> Adán ñamasiñuju rojose yisur'ï. To bajiro ï yimasire vaja rijacoamasiñuju. To bajiro ï yimasire ti ñajare, jedirone rojose yirã ñari, bajireacoayuja mani quẽne. <sup>13</sup> Dios Moisére ï roticũroto rĩjoroju, masa jediro rojose yimasĩujarã ña. To ña yiboajaquẽne, ï roticũre

ti manijare, “Yũ rotirore bajiro yibeama ñna”, yĩabeti-masiñuju Dios. <sup>14</sup> To bajiro ñ yĩabetiboajaquẽne, Moisére ñ roticũroto rĩjoroana quẽne bajireacoadimasiñuma. To bajiro ñna bajijama, Adán Dios ñre ñ roticũsere masiboarine, ñ cudiβetimasire vaja bajireasũoadimasiñuma ñna. To bajiri Adán manire ñ yiromasire sũorine bajireacoarũgũaja mani quẽne. To bajiboarine, “Quẽnase yigũre ñre cõarũcũja yũ. Ñ sũorine quẽnaro ñnarũarãma ñna”, yimasiñuju Dios.

<sup>15</sup> Adán rojose ñ yisũomasire vaja rojose manire ti ñaboajaquẽne, manire ñamaicõari, quẽnaro masu manire yirẽmoami Dios. To bajiri Adán sũorine “Rojose yirã ñaama” manire ñ yĩare ti ñaboajaquẽne, yucũrema Jesucristo sũorine “Rojose mana ñaama”, manire yĩagũmi Dios. To yicõari, butobusa quẽnaro manire yirẽmocõa ñagũmi Jesucristo, “Diorãca quẽnaro ñato” yigũ. <sup>16</sup> Adán, rẽmojũne rojose ñ yisere ñacõari, “Mũ yise sũorine, mũ quẽne, mũ jãnerabatiajũ quẽne, bajireajedicõarũarãma”, yimasiñuju Dios. To bajiro manire yimasir'i ñaboarine, yucũrema cojoji me rojose mani yise ti ñaboajaquẽne, tire masiriocõari, “Ñie rojose mana ñaama”, manire yĩagũmi Dios. <sup>17</sup> Sĩgũ rojose ñ yisũomasire sũorine masa jediro bajireacoayuja mani. To bajiro bajirã mani ñaboajaquẽne, Dios, masijeogũ ñari, manire ñamaicõari, quẽnaro masu manire ejarẽmogũmi. “Jesucristo manire rijabosayumi” yirãre, rojose mani yisere masiriocõari, “Rojose mana ñaama. Ñna rijato berojũ ‘Tudirijabeticõato’ yigũ, yũ catisere ñnare ñsirũcũja yũ”, manire yĩagũmi Dios.

<sup>18</sup> Adán rojose ñ yisũomasire sũorine, “Masa jediro bajireacoarũarãma”, manire yimasiñuju Dios. To bajiro ñ yimasire ti ñacõaboajaquẽne, “Jesucristo yũare rijabosayumi” yirãre, “Ñie rojose mana ñaama. Ñna rijato berojũ ‘Tudirijabeticõato’ yigũ, yũ catisere ñnare ñsirũcũja yũ”, ñnare yigũmi Dios. <sup>19</sup> To bajiro yũ yijama, ado bajiro

yigu yaja yu: Sīgũ Diore ĩ cūdibetimasire suorine rojose yirã ñacoayuja mani jediro, Dios ĩ ĩajama. To bajiro bajiriarã ñaboarine, Jesucristo, Dios ĩ rotirore bajirone ĩ cūdire suorine, “Rojose mana ñaama” ĩ yĩarã jãjarã ñarũtuaju mani yuja.

<sup>20</sup> Dios cūmasiñumi, ĩ roticūmasirere Moisés ñamasir'i rãca, “ ĩ roticūriarore bajiro yibeticōari, rojose yijairã ñaja mani' yimasiato ĩna” yigu. ĩ rotimasirere masi-boarine, butobusa rojose yiyuma. To bajiro ĩna yiboajaquẽne, Diojũama, butobusa ĩnare ĩamañumi. <sup>21</sup> Rojose mani yise vaja, bajireacōari, rojose tãmuotujabetiriaroju varona ñañuja mani. To bajirona mani ñaboajaquẽne, manire ĩamaigũ ñari, mani ɸjũre Jesucristore cōañumi Dios, “Mũre ajitirũnrãre rojose ĩna tãmuoborotire ĩnare yirẽtobosaaya” yigu. To bajiri Jesucristo manire ĩ rijabosare suorine, “Rojose mana ñaama, manire yĩacōari, ĩna rijato beroju ‘Tudirijabeticōato’ yigu, yu catisere ĩnare ĩsirũcɸja yu”, manire yĩagũmi Dios.

## 6

“*Rojose mani yisere yitujacōari*, Dios ĩ bojasejuare yirã ñato mani”, yire queti

<sup>1</sup> To bajiri Dios manire ĩ ĩamaisere yu gotisere ajicōari, ¿no bajiro tuoĩati mũa? “Rojosere ĩna yiboajaquẽne, rojose yigu me ñañumi. To bajiri, butobusa rojose yito mani. To bajiro mani yiboajaquẽne, manire maigũ ñari, manire masiriocōa ñarũcũmi”, ¿yituoĩaboati mũa? <sup>2</sup> |To bajiro me bajiaja! “Manire rijabosayumi” yituoĩarã ñari, rojose yiruaboarine, tire yibetisũoyuja mani. To bajiro yiriarã ñaboarine, ¿no yirã rojosere tudiyirãjari mani? <sup>3</sup> ¿Bautizarere ajimasiati mũa? Oco rãca manire ĩna bautizarone, “Cristore ajitirũnrã ñaja yu” yirã, ado bajiro yiriarãja mani: “ “Rojose ĩna yisere, tire yitujato”

yigũ, Cristo manire rijabosayumi' yirã ñari, rojose mani yisere to cõrone yitũjato”, yiriarãja mani. <sup>4</sup> To bajiri rojose mani yisere yitũjaruarã ñari, oco rãca mani bautizarotirone, Jesucristo rãca rijanare bajiro bajiyuja mani. To bajicõari, Jesucristo ï yuje ecoro bero, ï masise rãca ïre tudicatioyumi Dios. To bajiri, ï rãca tudicativãre bajiro bajiyuja mani, bautismo mani yiecoro bero. To bajirã ñari, Jesucristo ï ejarẽmose rãca Dios ï bojarore bajiro yirã ñaja mani.

<sup>5</sup> To bajiri, Jesucristo rãca rijariarãre bajiro bajirã ñari, tudicativãre ï ñajare, ï rãca tudicativãre bajiro bajirã ñari, ï ejarẽmose rãca quẽnase yirũgũroto ñaja manire. <sup>6</sup> “Rojose mani yisere yitũjacõari, Jesucristojũare ïre ajitirũnũaja” yirãre, manire rijabosayumi Jesús, rojose mani yisere “Yitũjato” yigũ. To bajiro ï bajire ti ñajare, rojosere yirũa tuoĩaboarine, tire yitũjaroti ñaja. <sup>7</sup> Masũ ï bajiro-cacoajama, jũaji rojose yibecũmi. To bajiri mani quẽne rojose yirũgũriarã ñaboarine, Jesũre ajitirũnũaca yirã, jũaji rojose yibetiroto ñaja manire. <sup>8-9</sup> Mani quẽne, Jesucristo rãca rijariarãre bajiro bajirã ñari, rojose yirũaboarine, tire yibetirũarãja. “Jesucristo ï rijariaro bero tudicativãre, jũaji tudirijabetirũcũmi” yimasirã ñari, “Ï ejarẽmose rãca quẽnase yicõa ñarũgũrũarãja mani, adigodojũ quẽne, to yicõari, mani rijato berojũ quẽne”, yitũoĩaja mani. <sup>10</sup> Jesucristo cojojine rijayumi, “Rojosere yitũjacõari, quẽnasejũare yato ñna” yigũ. To bajiri jũaji tudirijabecũmi. Ï rijaro bero, tudicativãre, yucũrema õ vecajũ ñacõari, Dios ï bojasere yinãgũmi. <sup>11</sup> To bajiro tuoĩarũgũroto ñaja manire quẽne. “ ‘Quẽnasejũare yato’ yigũ manire ï rijabosare ti ñajare, rojosere yirũaboarine, tire yibetirũarãja. To bajicõari, Jesucristo ï ejarẽmorã ñari, Dios ï bojasere yicõa ñarũarãja mani quẽne”, yitũoĩarũgũroto ñaja manire.

12-13 Mani ruju, yoaro catirotiruju me ñaja. To bajiri Dios ï bojabetire yiruara ñaboarine, tire yibetiruara mani. “Rijacoaboarine, Jesucristo ï tudicature ñajare, ï ejarẽmose rãca Dios ï bojasejuare yiruara” yituoĩacõari, quẽnaseju yirã ñaruara mani. 14-15 “Dios Moiserẽ ï roticũmasirere mani cudibetijama, rojose tãmuotujabetiriaroju manire cõarucumi”, yituoĩa güibetiroti ñaja manire. Dios, manire maigũ ñari, ï macure cõañumi, rojose mani yise vajare, “Vaja yibosato” yigu. To bajiri, “Ñie rojose mana ñaama’ manire yĩagũmi Dios”, yaja mani. To bajiri, rojosere yiruaboarine, Jesucristo ï ejarẽmose rãca rojose yibeaja mani.

“ ‘Rojose mana ñaama’ Dios ï yĩarã ñari, rojose mani yijama, quẽnacõaroja”, ¿yituoĩati mua? To bajiro me bajiaja. 16 “Rojosere yiruara ñari, tire mani yicõa ñajama, ti rione yisejacoanaja mani”, ¿yimasibeati mua? “To bajiro mani yijama rojose tãmuotujabetiriaroju varuara mani”, ¿yimasibeati mua? “Tire yibeticõari, Dios ï bojarore bajiroju mani yicõa ñajama, ï bojasejuare yisejacoanaja mani”, ¿yimasibeati mua? 17 Tirũmujama rojosere yisejariarã ñari, ti rione muare yiruamacõarioja ti. To bajiri sīgũ moarimasu cuticõari, ïre ï rotiajeriarore bajiro muare bajiriaroja rojoseju. To bajiro muare ti bajiboajaquẽne, ado bajiseju yituoĩañuja mua yuja: “Jesucristo manire rijabosayumi, rojose mani yise suori”, yituoĩañuja mua. To bajiri yucurema Dios ï bojasere yirã ñarãja mua. Tire tuoĩacõari, Dios suorine to bajiro yirã mua ñajare, “Quẽnaro yaja mu”, ïre yaja yu. 18 Dios suorine rojose yitujacõari, quẽnasejuare ï bojarore bajiro yirã ñarãja mua. 19 Moarimasu cuticõari, ï rotirere quẽnaro masirãja mua. To bajiri tire cõĩacõari, muare gotibu yu. Tirũmujama rojose yisejarã ñañuja mua. Yucurema ado bajiro Diore sãnirũgũña: “Mu bojase quẽnase rĩne

yirɯaja yɯa”, ĩre yisēnirũgũña mɯa.

<sup>20</sup> Rojose yirã ñaboarine, “Rojose yirã yaja yɯa”, yimasibetiriarãja mɯa. <sup>21</sup> Rojose rĩne mɯa yijama, ¿dise ũni quēnase bujacati mɯa? Bujabetiriarãja. Rojose mɯa yirũgũrere mɯa tuoĩajama, “Bojoneose yirã yiyuja mani”, yirãja mɯa. Rojose rĩne mɯa yicõa ñajama, rojose tãmuotujabetiriaroju varona ñaboriarãja mɯa. <sup>22</sup> To bajiboarine, yucurema, Dios ĩ ejarēmose rãca rojose yitujacõari, ĩre cudirãja mɯa yuja. ĩre cudirã ñari, Dios ĩ ejarēmose rãca butobusa ĩ bojasere yirũtuanaja mɯa. To bajicõari, mɯa rijato beroju tudicaticõari, ĩ rãca quēnaro ñacõa ñarũgũrãrãja mɯa. <sup>23</sup> To bajiri, masa rojose mani yise vaja mani rijato beroju rojose tãmuotujabetiriaroju varoti ñaja. To bajiboarine, Jesús yarã mani ñajama, rojose mani yise vaja, mani vaja yibetiboajaquēne, mani rijato beroju “Tudirijabeticõato” yigu, ĩ catisere manire ĩsiami Dios.

## 7

*“‘Rojose mana ñarãsa’ yirã, Moisére Dios ĩ rotimasirere ajisuyabetiroti ñaja”, yire queti*

<sup>1</sup> Yɯ mairã, Moisére Dios ĩ rotimasirere masirãja mɯa. Mani catiro cõro tire cũdire ñaja. Mani rijacoajama, tire cũdimasimenaja. <sup>2</sup> Tire bajirivãme muare gotiaja yu: Rõmio so manaju cõtijama, ĩ catiro cõro so manaju rãca so ñajama, quēnaja. So manaju ĩ bajirocacoajama, “Gãjire manaju cõtibesa”, yibeaja Dios Moisére ĩ roticũmasire. To bajiri so manaju ĩ bajirocaro bero, gãji so manaju cõtijama, Dios ĩ rotimasirere cũdibeco me bajigomo. <sup>3</sup> To bajiboarine, so manaju ĩ catirone, gãji rãca so ajeri cõtijama, “Rojose yigo yamo”, sore yĩare ñaroja. So manaju ĩ rijato beroju, gãji rãca so manaju cõtijama, Dios rotimasirere

cudibeco me yigomo. To bajiri, “Rojose yigo yamo”, sore yimasiña manoja.

<sup>4</sup> Tire bajiro bajaia manire quēne. Cristo ĩ rijaroto rĭjoro, Dios ĩ rotimasirere mani cudibeti vaja rojose tām̄uotujabetiriaroju manire varoti ñaboayuja maji. To bajiboajaquēne, rojose mani yisere “Masirioato Dios” yigu, manire rijabosayumi Cristo. ĩre ajitirũnurã, ĩ rãca rijariarãre bajiro bajaia mani. To bajiri yucurema, “Dios ĩ rotimasirere mani cudibetijama, rojose tām̄uotujabetiriaroju manire cõarucumi Dios”, yituoĩagũibetiroti ñaja manire. Cristo, mani yu ñaami. ĩre catioyumi Dios, “Yu macure ajitirũnurã, yu bojarore bajiro yato” yigu. <sup>5</sup> Jesúre mani ajitirũnuroto rĭjorojuma, rojose rĩne yirã ñarũgũñuja mani. Moisére Dios ĩ roticũmasirere masi-boarine, ti yirore bajiro yiruabesuja mani. To bajiri, rojose yisejarã ñari, ti rione manire yiruamacõñuja ti. To bajiro yirã ñari, rojose tām̄uotujabetiriaroju varona ñaboayuja mani maji. <sup>6</sup> Yucurema, “Moisére yu roticũcatire cudijeoroti ñaja, yu taju ĩna ñarujama”, yituoĩabeami Dios. To bajiro ĩ yibetijare, “Dios ĩ rotimasirere mani cudibetijama, rojose tām̄uotujabetiriaroju manire cõarucumi Dios”, yituoĩagũirã me ñaja mani yuja. To bajirã ñari, Esp'iritu Santo ĩ ejarẽmose rãca Dios ĩ bojarore bajiro yirã ñaja mani.

*Rojose mani yisere Pablo ĩ gotire queti*

<sup>7</sup> To bajiro mũare yu gotisere ajicõari, ¿ado bajiro yituoĩati mũa? “Dios, Moisére ĩ roticũmasire, ‘Rojose yiya mũa’ manire yiro yaja”, ¿yituoĩati mũa? To bajiro me bajaia. “‘Rojose yirã ñaja mani’ yimasiato” yiro, yaja ti, Moisére Dios ĩ roticũmasire. Moisére ĩ roticũmasire ti manijama, “Rojose yirã ñaja mani”, yimasibetibori-arãja mani. Ado bajiro bajaia: “Gãjerã ye gajeyeũnire bojañabesa”, yigotiaja Dios ĩ roticũmasire. To bajiro ĩ



yimasirere yu masibetijama, “Rojose yigu yaja”, yimasibetiboriaja yu. <sup>8</sup> “Bojañabesa” Dios ï yimasirere masicõari, “Yu bojañajama, rojose yigu yaja” yimasiboarine, rojose yigu ñari, butobusa gãjerã yere bojañarũtuacaju yu. Dios ï rotimasire ti manijama, “Rojose yigu yaja yu”, yimasire maniboriaroja. <sup>9</sup> Moisére ï roticũmasirere yu masiroto rĩjorojuma, “Quẽnaro yigu ñaja yu”, yituoĩaboacaju yu maji. “Bojañabesa” Dios ï yimasirere masicõari, “Yu bojañajama, rojose yigu yaja” yimasiboarine, butobusa gãjerã yere bojañarũtuacaju yu. To bajiri, “Dios ï ïajama, rojose tãmuotujabetiriaroju varocu ñaja yu”, yimasicaju yu yuja. <sup>10</sup> “Masa, yu rãca quẽnaro ñato” yigu, Moisére roticũmasiñumi Dios. To ï yimasire ti ñaboajaquẽne, “Tire yu cudibetijare, rojose tãmuotujabetiriaroju yure cõarucumi Dios”, yituoĩacaju yu. <sup>11</sup> “Gãjerã ye gajeyeũnire bojañabesa” yirere ajicõari, “Tire yu cudijama, ‘Quẽnaro yigu ñaami’ yure yĩarucumi Dios”, yituoĩacaju yu. To yituoĩaboarine, gãjerã yere bojañacõa ñacaju yu. Tire yitujabecu ñari, “Rojose tãmuotujabetiriaroju yure cõarucumi Dios”, yituoĩacaju yu.

<sup>12</sup> To bajiri, Dios, Moisére ï roticũmasire, ñajediro riojo yise ñaja ti. To bajicõari quẽnase ñaja. <sup>13</sup> Tire ajicõari, Dios ï rotimasire quẽnase ti ñaboajaquẽne, “Ti suorine rojose yirã ñari, rojose tãmuotujabetiriaroju varuarãma masa’, yigu yami”, ¿yure yituoĩati mua? To bajiro me yaja yu. “Rojose ïna yise vaja rojose tãmuoruarãma” yigujua yaja yu. “ “Rojose masu yirã ñaja mani” yituoĩamasiato’ yirojua bajiyuja Dios ï rotimasirema”, yimasijaja mani.

<sup>14</sup> Dios ï roticũmasire, quẽnase ti ñaboajaquẽne, rojosere yirua tuoĩarã ñari, Dios ï bojabetijuaare yaja mani. To bajiri, sīgũ moarimasu cuticõari, ïre ï rotiajerore bajiro manire bajijaja. <sup>15</sup> Mani bajisere ajimasibeaja mani. Quẽnasere mani yirusejuaarema yibetirũgũaja mani.

To yicõari, “Rojose yibetiruarãja” mani yituoĩasejuare yirũgũaja mani. <sup>16</sup> “Mani yirũgũsere yiruabeaja” mani yituoĩajama, “Quẽnasẽ ñaja Dios ĩ rotimasire” yirã yaja mani. <sup>17</sup> “Mani yirũgũsere yiruabeaja” yirã ñaboarine, tire mani yijama, mani masune yirã me yaja mani. Rojosejua manire ũmato yirũgũaja. <sup>18</sup> Quẽnasere yiruãrã ñaboarine, rojosejuare yirũgũaja mani. To bajiri, “Quẽnasere yimasimena ñaja mani”, yimasiaja. <sup>19</sup> Quẽnasere mani yiruasejuare yibeticõari, mani yiruabeti rojosejuare yirũgũaja mani. <sup>20</sup> To bajiri, “Mani yirũgũsere yiruabeaja” yirã ñaboarine, tire mani yijama, mani masune yirã me yaja mani. Rojosejua manire ũmato yirũgũaja.

<sup>21-23</sup> Ado bajiro bajirũgũaja manire: “Quẽnasere yiruãrãja” yirã ñaboarine, rojosejuare yirũgũaja mani. Dios ĩ rotimasire ti yirore bajiro mani yiruãcõaboajaquẽne, rojosejua manire ũmato ti yicõa ñajare, rojosejuare yirũgũaja mani.

<sup>24</sup> To bajiri rojose yitujamasimena ñari, rojose tãmuotu-jabetiriaroju mani varotire tuoĩacõari, buto sutiritiaja mani. “¿Ñimũ manire yirẽmogũti, rojose yitujacõari, Dios ĩ bojasejuare mani yirũgũrotire yigu?”, yisutiritiaja mani. <sup>25</sup> To bajiro sutiritiboarine, “ ‘Rojose yitujacõari, yũ bojasejuare yirã ñato ñna’ yigu, mani ujure Jesucristore ĩre cõañumi Dios”, yivariquẽnaroti ñaja manire. To bajiri, “Quẽnaro yaja mũ”, Diore ĩre yivariquẽnato mani.

To bajiri Dios ĩ bojarore bajiro mani yiruãboajaquẽne, rojosejua manire ũmato ti yicõa ñajare, rojosere yicõa ñaja mani.

## 8

*“Esp'iritu Santo ĩ ejarẽmose rãca quẽnasere yimasiaja mani”, yire queti*

<sup>1-2</sup> Yucurema, “Yũ roticatore bajiro yibeama” Dios ï yïïarã me ñaja mani. Jesucristo yarã ñari, “Rojose mana ñaama” ï yïïarã ñaja. To bajicõari, rojose yiruaboarine, Esp'iritu Santo ï ejarẽmojare, rojosere yimena ñaja mani. To bajiri, rojose tãmuotujabetiriaroju vabetiruarãja. <sup>3</sup> Ado bajiro bajiyuja manire: Dios Moisere ï roticũmasire ti yirore bajiro cudijeomasibesuja mani, rojosejuare yirã ñari. Mani cudijeobetijare, rojose magũ ï ñaboajaquẽne, “Rojose yigũ ñaja mũ” ïre yigũre bajiro ï macure rijaroticõañumi Dios, “Rojose ñna yisere ñnare vaja yibosaya” yigũ. Mani rujũre bajiro rujũ cutigũ ñaboarine, rojose yibecu ñari, rojose mani yise vaja manire rijabosayumi. <sup>4</sup> To bajiro yiyumi Dios, “Yũ ejarẽmose rãca yũ bojarore bajiro quẽnase rĩne yirã ñato” yigũ. To bajiri, rojosere yiruãrã ñaboarine, tire yibeaja mani. To yicõari, Esp'iritu Santo ï ejarẽmose rãca tuoĩacõari, Dios ï bojarore bajiro yirũgũaja mani.

<sup>5</sup> Rojose yirãma, rojose ñna yirotire tuoĩarũgũrãma ñna. Esp'iritu Santo ï bojarore bajiro yirãma, “ï bojarore bajiro yirãsa” yirã tuoĩarũgũrãma. <sup>6</sup> Rojose yirãma, rojose tãmuotujabetiriaroju varona ñaama ñna. Esp'iritu Santo ï bojarore bajiro yirãma, ñna rijato beroju, Diorãca quẽnaro ñacõa ñarũgũruarãma. <sup>7</sup> Rojose yirãma, Diore terã ñarãma ñna. To bajirã ñari, ï bojarore bajiro yimasime-nama. <sup>8</sup> To bajiro yirãrema, ñnare ïavariquẽnabeami Dios.

<sup>9</sup> Muajuama, rojose yirã me ñaja mua, Esp'iritu Santo mua rãca ï ñajare. Esp'iritu Santo ï bojarore bajiro yirã ñarãja mua. Esp'iritu Santore cuobecu, Jesucristo yũ me ñaami, ï ũgũma. <sup>10</sup> Rojose mũare ũmato yirirujurima, boacoarũaroja. Boarotirujuri ti ñaboajaquẽne, Cristo rãcana mua ñajare, “Rojose mana ñaama”, mũare yïïagũmi Dios. To bajiro mũare ï yïïajare, ï rãca quẽnaro ñarãja mua. <sup>11</sup> Dione ñaami Jesús ï rijacoaboajaquẽne, ïre

tudicator'i. Īre ĩ catiore ti ñajare, Esp'iritu Santore c̄uorã ñaja m̄ua. Īre c̄uorã m̄ua ñajare, m̄ua rijato beroj̄u Cristore ĩ catioriarore bajirone m̄uare quēne tudicator̄uc̄umi Dios, j̄uaji boabetirotiruj̄urire m̄uare ĩsigũ.

<sup>12</sup> To bajiri ȳu mairã, rojose yiruaboarine, tire yibetiroti ñaja m̄uare. <sup>13</sup> Rojose m̄ua yĩñajama, m̄ua rijato beroj̄u rojose tãmuotujabetiriaroj̄u varuarãja m̄ua. Rojose yiruaboarine, Esp'iritu Santo ĩ ejarēmose rãca rojosere m̄ua yibetijama, m̄ua rijato beroj̄u “Tudirijabeticōato” yiḡu, ĩ catisere m̄uare ĩsir̄uc̄umi Dios.

<sup>14</sup> Esp'iritu Santo ĩ ejarēmose rãca yirãma, Dios rĩa ñarãma ĩna. <sup>15</sup> “Rojose mani yijare, rojose tãmuotujabetiriaroj̄u manire cōar̄uc̄umi Dios’ yiḡuiato ĩna” yiḡu me, manire ejarēmoami Esp'iritu Santo. Ī s̄uorine Dios rĩa ñaja mani. To bajicōari, ĩ ejarēmose rãca, “Dios ĩ mac̄ure ĩ mairore bajiro manire maiami” yituoĩarã ñari, “Cac̄u”, yaja mani, Diore. <sup>16</sup> Esp'iritu Santo ĩ ejarēmose rãca, “Dios rĩa ñaja”, yimasiaja mani. <sup>17</sup> To bajiri ĩ rĩa, Cristo yarã mani ñajare, ĩ mac̄ure ĩ mairore bajirone manire maigũ ñari, manire quēne quēnaro yir̄uc̄umi Dios. Adigodoj̄u, “Cristo ĩ bojasere yica” yirã, rojose mani tãmuojama, mani rijato bero Dios t̄uj̄u quēnaro ñarũgũruarãja. Ī mac̄u quēnaro ĩ ñarore bajirone quēnaro ñarũgũruarãja mani quēne.

*Mani rijato bero, quēnaro mani ñaroti queti*

<sup>18</sup> To bajiri adirũmuri, “¿No yirã rojose tãmuoati mani?”, yituoĩa sutiritibetiroti ñaja manire, rojose mani tãmuose rētoro quēnaro Diorãca ñarona ñari. <sup>19</sup> Adi macaruc̄uro Dios ĩ rujeore jediro, Dios ĩ rĩare quēnaro ĩ yirotirũmu ti ejarore ĩaruaro buto yuñaroja ti. <sup>20</sup> Rēmoj̄u Dios ĩ rujeorema, adirũmuri ti bajirore bajiro me bajimasiñuju. Adán rojose ĩ yise ti ñajare, “Boase

rĩne ñacõarũaroja” Dios ĩ yimasire ñari, adirũmuri ñase quẽne, boase rĩne ñacõaja. To bajiboarine, “Cojorũmũ adi macarũcũro ĩ rujeorere Dios ĩ tudiquẽnorotirũmũ ejarũaroja”, yimasijaja mani. <sup>21</sup> To bajiri ĩ rujeore jedirone “Boabeticõari, quẽnase rĩne ñato” yigũ, tudiquẽnorũcumĩ quẽna. To yicõari, “Yũ rĩa quẽnase rĩne yirã ñato” yigũ, tudirijayamanire manire ĩsirũcumĩ. <sup>22</sup> Adirũmuri quẽne Dios ĩ rujeore jedirone rojose tãmũocõa ñaja ti. Tire masijaja mani. Rõmio macũ cutigoago, rojose so tãmũorore bajiro rojose tãmũoaja ti. <sup>23</sup> Esp'iritu Santo ĩ ejarẽmorã ñaboarine, rojose yicõa ñarã ñari, rojose tãmũorũgũaja mani. To bajiri, “Quẽnase rĩne yirã ñato” yigũ, tudirijayamanire Dios manire ĩ ĩsirotire bojarã ñari, bũto tũoĩacõa ñarũgũaja mani. <sup>24</sup> “Tudirijayamanire ĩsirũcumĩ”, yitũoĩacõa ñarũgũaja mani, rojose mani yise vajare Jesús ĩ vaja yibosariarã ñari. Jẽre quẽnase rĩne yirã mani ñajama, tudirijayamanire manire ĩ ĩsirotire, no yirã yumenaja mani. <sup>25</sup> Mani cũobeti ti ñajare, quẽnaro tire yucõa ñarũgũroti ñaja.

<sup>26</sup> Esp'iritu Santo manire ejarẽmogũmi, “Rojose yirũaboarine, tire yibeticõato ĩna” yigũ. To yicõari, Diore mani sẽnimasibetire masicõari, manire sẽnibosarũgũgũmi, ĩ masise rãca. <sup>27</sup> Dios ĩ bojarore bajiro manire sẽnibosagũmi. To bajiri, Esp'iritu Santo manire ĩ sẽnibosasere masigũmi Dios. ĩ ñaami mani tũoĩasere masigũma.

*Cristore ajitirũnurã* ñari, “Dios ĩ ejarẽmose rãca quẽnase rĩne yirã ñarũarãja mani”, yire queti

<sup>28</sup> Dios ĩ beseriarã ñari, ĩre maiaja mani. To bajiri, quẽnaro mani ñarotire yigũ, manire ĩ yirẽmorũgũsere masijaja mani. Rojose tãmũoboarine, “Quẽnaro mani ñarotire yigũ, manire yirẽmogũmi”, yitũoĩacõa ñaroti

ñaja. <sup>29</sup> Rëmojune Cristore ajitirũnũronare manire masicõañumi Dios. “Yũ macũ Jesucristore bajiro quẽnase rĩne yirã ñaruarãma ñna” yigũ. To bajiri, “Yũ bojarore bajiro yirãrema, ñna gagũ ñarucũmi Jesucristo”, yicõamasiñumi Dios. <sup>30</sup> To bajiri rëmojune, “Cristore bajiro quẽnase rĩne yirã ñaruarãma” ï yiriarã ñaja mani. To bajiro manire yigũ ñari, “Rojosere yitũjacõari, ï macũre ajitirũnũato” yigũ, manire ejarẽmoñumi. To yicõari, ï macũre mani ajitirũnũjare, “Rojose mana ñaama”, manire yĩañumi. To bajiri, ï macũ yarã mani ñajare, “ Ñre bajiro quẽnase rĩne yirã ñato’ yigũ, ñnare ejarẽmorucũja”, yiyumi Dios.

<sup>31</sup> Ti oca quẽnasere masicõari, ado bajiro yirẽmomasi-aja mani: “Dios manire ejarẽmoami, rojose tãmuotũjabetiriaroju vabeticõato ñna” yigũ. Rojose gãjerã manire ñna yiboajaquẽne, “Dios manire ï ejarẽmojare, no bajiro manire yimasimenama”, yimasiaja mani. <sup>32</sup> Ñ maigũ ï ñaboajaquẽne, ï macũre ñre cõañumi Dios, “Masare rijabosato” yigũ. To bajiro yir’i ñari, quẽnasere manire ejarẽmocõa ñarucũmi Dios. <sup>33</sup> To bajiri, ï beseriarãre manire ñamaicõari, “Rojose mana ñaama”, manire yĩagũmi Dios. To bajiro ï yirã mani ñajare, “Rojose yirã ñaama”, manire yimasimenama. <sup>34</sup> Rojose mani yise vaja, manire vaja yibosagũ rijayumi Jesucristo. Tudicaticõari, Dios ï rujiro ri-  
 ojojacatũjare rujicõari, manire ñagõbosarũgũgũmi. To bajiri, “Rojose yirã ñaama”, manire yibetirucũmi ï quẽne. <sup>35</sup> Cristo manire ï maisere, “¿No yigũ ñnare maiati?” yigũ magũmi. Cojoji me rojose mani tãmuoboajaquẽne, gãjerã rojose manire ñna yiboajaquẽne, ñiorijarã, sudi mana mani ñaboajaquẽne, gũioroju mani vaboajaquẽne, gãjerã manire ñna sãaboajaquẽne, manire maicõa ñarucũmi Cristo. <sup>36</sup> Tirũmũju Dios ocare masa ñna ucamasire mani bajisere gotiro, ado bajiro gotiaja ti:

“Mъ yarã yua ñajare, gãjerã yuare sïarũgũama ñna. Ovejare juaácõari, ñna sïaroju juajecõari, ñna sïarore bajiro yuare yirũgũama”, yigotiaja Dios oca.

<sup>37</sup> Ñajediro rojose mani tãmuose ti ñaboajaquẽne, manire ï ejarẽmocõa ñajare, “Manire buto maicõa ñaami”, yitujabetiruarãja mani. <sup>38-39</sup> Dios manire ï maisere matase manoja. Mani bajireacoajaquẽne, mani ñacõajaquẽne, manire maitujabetirucumi. Adirũmuri rojose mani tãmuose, to yicõari, gajerũmuri rojose mani tãmuoroti ti ñaboajaquẽne, manire maitujabetirucumi Dios. Ángel mesa, vãtia, adigodo ujarã, õ vecana, õ õñerocana, ñañamana quẽne, rojose manire ñna yiboajaquẽne, manire ejarẽmocõa ñarucumi Dios, ï tujũ mani ejarotire yigu. Jesucristo yarã mani ñajare, manire buto maigũmi Dios.

## 9

### *Israel sitanare Dios ï besere queti*

<sup>1-3</sup> “Yũ yarã, Jesús ï bajirere ñna ajitejare, ï yarã me ñaama”, yisutiritiaja yũ. Ñre ajitirũnugũ ñari, Esp'iritu Santo ï ejarẽmose rãca, “Riojo gotiaja yũ”, yimasiaja yũ. Ñnare maigũ ñari, rojose ñna yise vaja ñnare vaja yibosagu, Cristore ñre cãmotadicõari, rojose tãmuotujabetiriaroju varuaboaja yũ; “To bajiro yũ bajise vajane, ñnajua Cristo rãcana ñato” yigu. <sup>4</sup> Yũ yarãre ado bajiro quẽnaro ñnare yiyumi Dios: Ñnare besecõari, “Yũ rĩa ñaja mũa”, ñnare yiyumi. To yicõari, ñañamagũ ñaboarine, ñañañamani ñnare yiorũgũñumi, “Mani rãca ñagũmi” ñna yimasirotire yigu. Moisés ñamasir'ire ï rotisere ñre cũmasiñumi. To yicõari, “Yũ bojasere mũa yijama, quẽnaro mũare yirucuja yũ”, ñnare yimasinumi. “Mũre, mũ jãnerabatiajure quẽne, adi macarucuro ti ñnaro cõrone mũare uxorucuja yũ”, ñnare yimasinumi. <sup>5</sup> Yũ ñicua, Diore rũcubũorã ñamasinujarã ñna. Ñna jãnamine ñañumi

Cristo. Īne ñagũmi Dios, ñajediro yu. Ī ñaami masa ĩna rĩcũbno tũjabetirocũma. To bajirone bajimũorũgõato.

<sup>6</sup> Yu yarã israelita masare Dios oca quẽnase ti gotiboa-jaquẽne, “Quẽnaro yirũcũja” ĩ yiriarore bajiro ĩ yibeti-jama, “Socũ yiyumi”, yitũoĩarãja mũa sĩgũri. To bajiro me bajaia. Īre ajitirũnrã rĩne ñarãma quẽnaro ĩ yirona. Gãjerãma, israelita masa ñaboarine, Dios ĩ ĩajama, ĩ rĩa me ñarãma, ĩre ajitirũnũmena ñari. <sup>7</sup> Abraham jãnerabatia ñaro cõrone, ĩ jãnerabatia masu me ñarãma, Dios ĩ ĩajama. Ado bajiro Abrahamre gotimasiñuju Dios: “Mũ macũ Isaac rĩa ñarũarãma mũ jãnerabatia masuma”, yimasiñuju Dios. <sup>8</sup> To bajiro ti yijama, ado bajiro yiro yaja: “Quẽnaro mũre yirũcũja yu” ĩre ĩ yirere ajitirũnrãjũa ñaama Dios rĩa. Īna roque, Abraham jãnerabatia masu ñaama, Dios ĩ ĩajama. <sup>9</sup> Dios, ado bajiro ĩre yimasiñumi, Abrahamre: “Gaje cũma ado cõrone mũre ĩagũ vadirũcũja yu quẽna. To bajiri, tirodore mũ manajo Sara, macũ cõtirũocomo”, ĩre yigoti rĩjoro cõtimasiñumi Dios.

<sup>10</sup> Adi mũare yu gotise rĩne ñabeaja. Abrahamre Dios ĩ gotiro bero, ĩ macũ Isaac vãme cõtigu, bũcũacõari Rebecare manajo cõtiyuju. Sore ĩ manajo cõtiro bero, cojoji rĩa cõtigone, juarã rĩa cõtimasiñuju so. Esáu, Jacob vãme cõtimasiñujarã. Juarãjũne sĩgũ rĩa ñaboarine, Dios ĩ ĩajama, Jacob sĩgũne ñamasiñuju Abraham jãnamĩ masu. <sup>11-12</sup> Īnare so rĩa cõtiroto rĩjoro, ado bajiro sore gotimasiñuju Dios: “Mũ macũ cõtisũogũ, ĩ bedire moabosarimasũ ñarũcũmi”, sore yimasiñuju Dios, Rebecare. Īna juarãjũne, quẽnasere, rojosere quẽne ĩna yibetojũne, to bajiro sore gotimasiñuju Dios. To bajiro sore ĩ yimasire ti ñajare, ado bajiro yimasiaja mani: “Masa quẽnasere ĩna yise sũori me, ĩ bojarãre besegũmi Dios”, yimasiaja mani. <sup>13</sup> To bajiri, Dios ocare masa ĩna ucamasire ado bajiro gotiaja: “Jacobjũare ĩre maicõari, Esáurema ĩre ĩatecaju



yũ”, yigotiaja Dios oca.

<sup>14</sup> To bajiro ĩ yijama, “Rojose yigu yigumi Dios”, yituoĩaboarãja mua. To bajiro me bajiaja. <sup>15</sup> Ado bajiro Moisere gotimasiñuju Dios: “Masa jediro rojose yirã ĩna ñaboajaquene, yũ bojarãre besecõari, ĩnare ĩamairucuja yũ”, ĩre yimasiñuju Dios, Moisere. <sup>16</sup> To bajiri, Dios manire ĩ ĩamairotire mani sēniro me, manire ĩamaigũmi. To yicõari, “Quēnase mani yise suori manire besegumi Dios”, yimasiña maja. “Ī bojarãre ĩamaicõari, besegumi”, yimasire ñaja. <sup>17</sup> Egipto vãme cuti sitagu ujure Dios ĩre ĩ yirotire gotiro, Dios ocare masa ĩna ucamasire ado bajiro yaja: “Ujũ mũre cũcaju yũ, ‘Yũre mũ ajiruabeti suori Egiptoanare rojose yũ yisere ĩacõari, ‘Masigũ ñaami Dios’ masa yũre yirũcũbuoato ĩna’ yigu”, yigotiaja Dios ocare masa ĩna ucamasire. <sup>18</sup> To bajiro Dios ĩ yimasire ñajare, “Ī bojarãre ĩamaicõari quēnaro yigu ñagũmi Dios”, yimasire ñaja. To yicõari, “Īre ajiterãrema, ‘Bũtobũsa yũre ajiteato ĩna’ yigu ñagũmi”, yimasire ñaja.

<sup>19</sup> Tire ajicõari, ado bajiro tuoĩarãja mua sigũri: “Dios ĩ yiruasere, ‘Tire yibeticõato’ yigu magũmi. Ī manijare, ĩ bojarore bajiro yigu ñari, rojose mani yisere ĩacõari, ‘Rojose tãmuorũarãma ĩna’ Dios ĩ yijama, rojose yigu, yigumi”, yituoĩarãja mua sigũri. <sup>20</sup> To bajiro mua tuoĩajama, ado bajiro mũare cudiguja yũ: Dios ĩ rujeoriarã ñari, “Rojose yũare yaja mũ”, ĩre yimasibeaja mani. Riri sotũ quene, “¿No yigu to bajiri sotũ yũre veari mũ?”, yibetoja ti, ti sotũre vear'ire. <sup>21</sup> Riri sotũri ĩ veajama, ĩ vearũa tuoĩase cõro veagumi. Cojobũrũaye ti ñaboajaquene, “Gã-jerã, yũ veari sotũre ĩacõari, ‘Quēnase veamasigũ ñaami’ yũre yĩĩato ĩna” yigu, quēnari sotũ veagumi. Gajerũrema, “Yũ cuoroti sotũ ñarũaroja” yigu, “Ado bajiri sotũ yũ veajama, quēnaja”, yigumi. “To bajirone manire yigumi Dios quene”, yimasiaja mani.

22-23 To bajiro yigũ ñari, jud'io masa rojose ñna yise vaja rojose tãmuotujabetiriaroju ñnare ĩ cõarũajama, cõamasigũ ñaboarine, ñnare cõabesumi. Ñnare ĩ cõabetijama, gãjerãjua, “Yũ ocare ñna ajitirũnjare, ñnare ĩamaicõari, ‘Rojose mana ñaama’ ñnare yĩarũcũja” yigũ, bajiyumi. To bajiri, jud'io masare rojose tãmuotujabetiriaroju ñnare cõabetiboarine, rojose ñna yijare, “Rojose tãmuõña mũa”, ñnare yirũgũñumi, “‘Jũnisinigũ ñaami’ yũre yimasiato” yigũ.<sup>a</sup> 24 To bajiro yigũ ñari, “Yũre ajitirũnũato” yigũ, manire beseyumi, jud'io masare, jud'io masa me ñnarãre quẽne. 25 Tirene gotiaja Dios ĩ yirere, Oseas ñamasir'i ĩ ucamasire:

“‘Yũ yarã merene, “Yũ yarã ñaama”, yirũcũja yũ. Yũ ĩamaibeticanare, “Yũ ĩamairã ñaama”, yirũcũja yũ’, yami Dios.

26 ‘Yũ rĩa me ñaama ñna’ Dios ĩ yiriario bero ti ñaboajaquẽne, ‘Catimũorũgõgũ Dios rĩa ñaama ñna’ yirũarãma”, yucamasiñuju Oseas ñamasir'i.

27 Isa'ias ñamasir'ijũama, ado bajiro Diore gotirẽtobosamasiñumi, manire jud'io masare tũoĩagũ: “Jud'io masa moa riaga jare bajiro jãjarã ñaboarine, mojoroaca ñarũarãma, ‘Rojose tãmuotujabetiriaroju vabeticõato’ yigũ, yũ yirẽtobosarã. 28 Jãjarã

masa, adigodoana, rojose ñna yise vaja, ‘Rojose tãmuotujabetiriaroju ñnare cõarũcũja’ ĩ yiriarũmu ti ejaro rẽmone ñnare cõarearũcũmi”, yucamasiñuju Isa'ias.

29 Quẽna gajeju ado bajiro ucamasiñuju Isa'ias, jud'io masa mani bajiro tire yigũ:

“Rojose ñna tãmuoborotire sĩgũrĩre Dios masijeogu ñnare yirẽtobosabecũne, Sodomanare, Gomorranare, ĩ

---

<sup>a</sup> 9:22-23 Rojose tãmuotujabetiriaroju ñnare cõabetiboarine, “Rojose tãmuõña mũa” ñnare ĩ yijama, adi macarũcũro ñacõari, rojose ñna tãmuõñarotire yigũ, yiyuju.

yiriarore bajiro ñnare ñ yireajeocõa tujajama, mani jãnerabatia maniborãma”, yiucomasiñuju Isa'ias, jud'io masa mani bajiro tire yigũ.

*Cristore ajitirũnrãre*, “Rojose mana ñaama” Dios ñ yĩarere jud'io masa ñna ajiruabeti queti

<sup>30</sup> Tire tũoĩacõari, jud'io masa me ñnarãre ado bajiro yimasijaja mani: “¿No bajiro yirãti mani, “Rojose mana ñaama” Dios, manire ñ yĩarotire yirã? yitũoĩabetiboarine, ‘Rojose mani yise vaja, manire rijabosayumi Cristo’ ñna yitũoĩajare, ‘Rojose mana ñaama’ ñnare yĩagũmi Dios”, yimasijaja mani. <sup>31</sup> To yicõari, jud'io masajũarema ado bajiro yimasijaja mani: “Dios ñ rotimasire ti yirore bajiro mani yijama, ‘Quẽnase yirã ñaama’ manire yĩarũcumi Dios”, yitũoĩaboayuma ñna. To bajiro yitũoĩaboarine, ñ rotimasire jediro ñna cãdibetijare, “Quẽnase yirã ñaama”, ñnare yĩabesuju Dios, yimasijaja mani. <sup>32</sup> ¿No yirã to bajise bajiyujari ñna? “Jesucristo, manire ñ rijabosare ti ñajare, manire ñavariquẽnagũmi Dios”, yibesuma. “Quẽnaro mani yisere ñacõari, ‘Quẽnase yirã ñaama’ manire yĩavariquẽnarũcumi Dios”, yitũoĩaboayuma ñna. To bajiro yitũoĩarã ñnari, gũta jũatarãre bajiro bajiyuma.<sup>b</sup> <sup>33</sup> Ado bajiro yaja Dios oca, tire gotiro:

“Siõn vãme cuti macare gũta cũrũcũja yũ, masa ñna jũata quedirotiare. Tiare ajitirũnrãma, yũ goticatore bajiro ñnare quẽnaro yirũcũja yũ. To bajiro ñnare yũ yijare, “‘Yirũcũja’ ñ yiriarore bajiro yigũ ñnaami yirã, sutiritibetirũarãma”.

<sup>b</sup> 9:32 “Gũtare jũatayuma” ti yijama, judío masa Jesucristo ñna ajiterere yiro yaja.

## 10

<sup>1</sup> Ajiya m̄ua, yu mairã, Cristore ajitirũnarã. “Jud'io masa jediro rojose tãmuotujabetiriaroju vatoma” yigu, Diore ãnare sãnibosarũgũaja yu. <sup>2</sup> Ado bajiro ãna bajisere masiaja yu: Dios ã bojasere buto yiruaboama ãna. To bajiboarine, “Ti ñaja ã bojase”, yimasibeama. <sup>3</sup> “Rojose mani yisere Dios ã masiriose vaja, manire vaja yibosayumi Cristo. To bajiri, Dios ã ãajama, ‘Rojose mana ñaama’ manire yĩagũmi”, yituoĩabeama. “Ï rotimasirere mani cudijama, ‘Rojose mana ñaama’ manire yĩarucumi Dios”, yituoĩaboama. To bajiro ãna yijama, Dios ã bojase yirã me yirãma. <sup>4</sup> “Cristo suorine manire ãvariquẽnagũmi Dios” yituoĩarãrema, “Rojose mana ñaama”, yĩagũmi Dios. “Yu roticatire cudirã ñari, rojose mana ñaama”, ãnare yibecumi.

<sup>5</sup> “Dios ã rotisere cudirãma, rojose mana ñaama” yigu, ado bajiro ucamasiñumi Moisés ñamasir'i: “Dios ã roticatore bajirone cudirãma, Diorãca quẽnaro ñacõa ñarũgũruarãma ãna, adigodoju, to yicõari, ãna rijato beroju quẽne”, yucamasiñuju Moisés. <sup>6</sup> To ã yimasire ti ñaboajaquẽne, “Dios ã rotimasire ti yirore bajirone cudigu magũmi”, yimasiaja mani. To yicõari, “Jesucristore masa ãna ajitirũnũjama, ‘Rojose mana ñaama’ ãnare yĩagũmi Dios”, yimasiaja mani. To bajiro yirã ñari, “Dios ã ñaroju ñagũre manire yirẽtobosarocure Cristore ãre ãmirã varoti ñaja”, yituoĩabetiroti ñaja, manire. <sup>7</sup> To yicõari, “Rijariarã ãna ñaroju ñagũre Cristore ãre tudicatorã varoti ñaja”, yituoĩabetiroti ñaja, manire. <sup>8</sup> “To bajiro tire yituoĩamenane, ‘Dios ã yiriarore bajirone bajiyuja’ yituoĩamasicõari, gãjerãre tire gotiya”, yigotiaja Dios oca. To bajiri, tirene masare ado bajiro gotimasiorũgũaja yu: <sup>9</sup> “Jesús ã rijacoaboajaquẽne, ãre tudicatoyumi Dios” yituoĩacõari, “Jesús ñaami mani uju” m̄ua yigotijama,

rojose tãmuotujabetiriaroju mani vaborotire manire yirẽ-tobosarucumi Dios, yigotimasiorũgũaja yua. <sup>10</sup> Tire ñnare yua gotimasiojama, “Rojose mana ñaama” ñnare yĩacõari, rojose tãmuotujabetiriaroju ñna vaborotire ñnare yirẽto-bosarucumi Dios yirã, ñnare gotimasiorũgũaja.

<sup>11</sup> To bajirone gotiaja Dios oca: “Jesũre ajitirũnurãrema yu goticatore bajiro ñnare quẽnaro yu yijare, “Yĩrucuja” ñ yĩriarore bajiro yigu ñaami’ yirã, sutiritibetiruarãma”, yigotiaja ti. <sup>12</sup> Ñna uju ñagũmi jud'io masare, jud'io masa me ñnarãre quẽne. To bajiri, ñre sẽnirãrema, quẽnaro ñnare yigumi. <sup>13</sup> Tire gotiaja Dios ocare masa ñna ucamasire: “ ‘Rojose yua yise vaja rojose tãmuotujabetiriaroju yua varotire yuare yirẽtobosaya’ ñre yisẽnirãrema yirẽtobosarucumi mani uju”, yigotiaja Dios ocare masa ñna ucamasire. <sup>14</sup> To bajiro ti gotiboajaquẽne, “Dios ñ cõar'i ññañumi” ñna yitũoĩabetijama, no bajiro ñre yisẽnimenama. To yicõari, Jesús ñ bajire quetire ñna ajibetijama, no bajiro yimasicõari, “Dios ñ cõar'i ññañumi”, ñre yimasimenama. No bajiroju yicõari tire masimenama ñna, ñnimujuane Jesús ñ bajirere ñnare ñ gotimasiobetijare. <sup>15</sup> “Jesús ñ bajirere gotimasiocudiaya” ñnimujuane ñnare ñ yiro cõro gotimasiocudirã vamenama. To bajiro yitũoĩarãre ado bajiro gotiaja Dios ocare masa ñna ucamasirere: “Masare quẽnaro Dios ñ yise quetire gotimasiorã ñna ejasere buto ñavariquẽnaja mani”, yigotiaja ti.

<sup>16</sup> To bajiro ti yiboajaquẽne, jud'io masa Jesús ñ bajire quetire ajirã jãjarã ñnaboarine, mojoroaca ñaama ñre ajitirũnurãma. To bajiro ñna bajiro tire yigu, Isa'ias ñnamasir'i ado bajiro ucamasinumi: “Yu uju, yuare mu gotimasiorotisere ajirũamena rĩne ñnacõama”, yucamasinumi Isa'ias. <sup>17</sup> To bajiri, Cristo ñ bajirere ñna gotimasiosere ajicõari, “To bajirone bajirimi Cristo”, yitũoĩare ñaja.

<sup>18</sup> To bajiri, Jud'io masa, ¿Cristo ñ bajirere ajibesujarique

ĩna? Ajiboayuma, bajirãjuma. Ado bajiro gotiaja Dios ocare masa ĩna ucamasire:

“Dios ocare gotimasiocudiyujarã ĩna. To ĩna yijare, Cristo ĩ bajirere ajijedicõañujarã”, yigotiaja Dios oca.

<sup>19</sup> ¿Jud'io masa tire ajiboarine, quẽnaro ajimasibesujarique? Ajimasiboayuma. “Ado bajiro bajiruarãma jud'io masa”, yigotiaja Moisés ĩ ucamasire:

“ “Dios ocare ajimasimena ñaama” mua yirãre, “Yũ yarã ñaja mua”, ĩnare yirucuja yũ. ĩnajuare quẽnaro yũ yisere ĩacõari, ĩnare jũnisiniruarãja mua' yami Dios”, yucamasiñumi Moisés.

<sup>20</sup> Isa'ias ñamasir'i quẽne, gũituoĩari mene ado bajiro ucamasiñumi:

“Yũre macamenajua, yũre bujaruarãma. “Diore masiruarãja” yituoĩamenajua, yũre masiruarãma' yami Dios, jud'io masa me ñarãre tuoĩagũ”, yucamasiñumi Isa'ias.

<sup>21</sup> Jud'io masajuare Dios ĩ gotirere ado bajiro ucamasiñumi Isa'ias: “Tocãrãcarũmũne, “Yũ yarã mua ñasere bojaja yũ”, ĩnare yirũgũboacaju yũ. Yũre cãdibeticõari, yũre oca rẽtorũgũcama ĩna' yami Dios”, yucamasiñumi Isa'ias.

## 11

### *Israelita masare Dios ĩ ĩamaire queti*

<sup>1</sup> To bajiri, ¿ĩ yarãre jud'io masare ĩnare maitujacoasujari Dios? Bajibeaja. No yigu maitujabecumi. Yũ quẽne, jud'io masũ ñaja. Yũ ñicũ ñasũor'i ñamasĩuju Abraham. To bajiri, ĩ jãnami ñamasir'i, Benjam'in ñamasir'i ya jũnagu ñaja yũ. <sup>2</sup> Tirũmũju, yua jud'io masare, “Yũ yarã ñaruarãja mua”, yimasiñumi Dios. To bajiro yir'i ñari, maitujabeami. El'ias ñamasir'i Diore ĩ sãnimasire masa ĩna ucamasirere ĩariarãja mua. “Jud'io masa yũ yarãre rojose ĩna yise vaja rojose ĩnare yiya” yigu, ado bajiro

yimasiñumi: <sup>3</sup> Yũ Ƴũ, yũre ajiya. “Mũre gotirētobosari-masare s̄ajeocōama ñna. Mũre ñna r̄ũcũbuorijũr̄ire quēne reajeocōama ñna. Yũ s̄ĩgũne, mũre r̄ũcũbuoguma r̄uyaja yũ. Yũre quēne s̄iarũama”, Diore ñre yimasiñumi El'ias. <sup>4</sup> To bajiro ñ yisere ajicōari, ado bajiro ñre c̄adimasiñumi Dios: “Mũ s̄ĩgũ me r̄uyaja. ‘Yũ yarã ñaja mũa’ yũ yirã, siete mil ñarirãcũ r̄uyaama, yũre r̄ũcũbuorã, Baal vãme c̄utigũre r̄ũcũbuomena”, yimasiñumi Dios, El'ias ñamasir'ire. <sup>5</sup> Yucũr̄ire quēne s̄ĩgũr̄ire jud'io masare yũare ñamaicōari, quēnaro ñ yire ñajare, “Yũ yarã ñaja mũa” ñ yirã ñaja yũ. <sup>6</sup> Quēnaro mani yibetiboajaquēne, manire ñamaicōari, quēnaro ñ yire ti ñajare, ñ yarã ñaja mani. To bajiro ti bajijare, “Quēnaro mani yise s̄uori me, ‘Yũ yarã ñaama’ manire yĩañumi Dios”, yimasiaja mani.

<sup>7</sup> Ado bajiro bajiyuja jud'io masare: “Rojose mana ñaama” Dios ñ yĩasere ñna bojaboajaquēne, Diojuama, “Rojose mana ñaama”, ñnare yĩabesumi. To yibetiboarine, s̄ĩgũr̄ire ñamaicōari, quēnaro ñ yire ti ñajare, “Rojose mana ñaama” ñ yĩarã ñari, ñ yarã ñaja yũ. Gãjerãrema, “Yũre ajiterã ñari, b̄utobusa yũre ajiterũarãma”, yiyumi Dios. <sup>8</sup> Tire gotiro, ado bajiro gotiaja Dios oca:

“Yũre ajiterã ñari, b̄utobusa yũ ocare ajimasibetirũarãma’ yirũcũmi Dios. To bajiro ñ yijare, ñ ocare masa ñna ucamasirere ñboarine, ajimasibetirũarãma. Gãjerã ñ ocare ñna gotiboajaquēne, ajimasibetirũarãma ñna”, yigotiaja Dios oca.

Ñ gotiriarore bajirone bajicōa ñaja ti, yũ yarãre. <sup>9-10</sup> David ñamasir'i quēne, ado bajiro ucamasiñumi, Diore ñ s̄enigũ: “Jud'io masa, boserũmũ yivariquēnaboarã, s̄utiritiato, to yicōari, ajimasibetirũarãma ñnare yiya. Rojose ñna yise vaja rojose tãmũorũarãma ñnare yiya. To yicōari rojose ñna yise vaja, s̄ĩgũne b̄uto r̄ũcũsere

juacõari, ï tãnivatore bajiro bajiato ïnare yiya”,  
Diore ïre yisënimasiñumi David.

*Jud'io masa me ñarã, rojose ïna yise vajare Dios ïnare ï yirëtobosare queti*

<sup>11-12</sup> To bajiri, ¿Jud'io masa Cristo ocare ïna ajiruabeti vaja, “Yu yarã me ñaja mua”, ïnare yicõa tujasujari Dios? To bajiro me bajiaja. Jud'io masa jãjarã ïre ïna ajiruabetijare, jud'io masa me ñarãjua Cristo ocare ajitirũnuñuma. ïna ajitirũnujare, rojose ïna yise vaja rojose tãmuotujabetiriaroju ïna vaborotire ïnare yirëtobosayumi. To bajiro ï yijama, “ ‘Quënarõ manire ï yiborere ïnajuare quënarõ yigumi Dios’ yituoïacõari, ‘Manire quëne quënarõ yato Dios’ yirã, yure ajitirũnuato jud'io masa” yigu, jud'io masa mere quënarõ yiyumi Dios. Jud'io masa quëne ïna ajitirũnujama, masa jedirore rëtoro quënarõ yirucumi Dios.

<sup>13</sup> Jud'io masa mejuare ado bajiro muare gotiaja yu: Muare gotimasiorocure yure cõacami Cristo. To bajiri, “Ti moare ñamasuse ñaja” yigu ñari, yu masiro cõro quënarõ gotimasiorũgũaja yu. <sup>14</sup> Muare yu gotimasiojama, yu yarã jud'io masa, muare yu gotimasiosere ajicõari, “ ‘Yuare ï gotiborotire ïnajuare gotimasioami’ yirã ñari, ïna quëne Cristore ajitirũnuato” yigu, muare gotimasioaja yu. To bajiri, rojose ïna yise vaja rojose tãmuotujabetiriaroju ïna vaborotire ïnare yirëtobosarucumi Dios. <sup>15</sup> Jud'io masa, Cristo ocare ïna ajiruabetijare, jud'io masa mejuare gotimasiocaju yua. To bajiri Cristo ocare ajitirũnurã ñari, adigodoju Diorãca quënarõ ñaama ïna. Dios ï bojariorore bajiro jud'io masa quëne, Cristo ocare ïna ajitirũnujama, rëtoro quënaruroja ti. Tudirijayamanire Dios ï catisere cuorã ñaruarãma. <sup>16</sup> Pan mani quënorotiburuayere mojoburucaca ãmicõari, mani quënoricare, “Dios yaga ñaruroja” mani yijama, tiare quënoru mani juaruare



quêne, Dios ye rĩne ñacõaroja, ï ñajama. Yucú ñemare, “Dios ya ma ñaruarõja” mani yiboajaquêne, tiu rújuri jedirone ï ye rĩne ñacõaroja. Abraham ñamasir'ire quêne, “Yũ yũ ñaami”, ïre yĩamasiñumi Dios. To bajiro ïre yir'i ñari, ï jãnerabatia jedirore, “Yũ yarã ñaama”, ïnare yĩarũcũmi Dios.

<sup>17</sup> Tirũmũjũma, jud'io masa, olivo vãme cuti rújure bajiro ñañuma. To bajiro ïna bajiboajaquêne, tirújure jatarocariarore bajiro ïnare yiyumi Dios, ïre ïna ajitirũnũbeti vaja. Mũa, jud'io masa mejũa, no bojaricũ yucú rújure bajiro mũa bajiboajaquêne, Jesucristore mũa ajitirũnũse sũorine ti rújure jataãmiadicõari, olivo vãme cuti rújũ ï jatarocariarũjũre vasoagũre bajiro yiyumi Dios. To bajiro ï yijama, “Sigũ riare bajiro bajirã ñaruarãma” yigũ yiyumi.

<sup>18</sup> To bajiri, jud'io masa sũori Dios ye quẽnase bũjarã ñari, jud'io masare, “Yũ yarã me ñaama” ï yĩarãre ïatebesa mũa. “Ïna rẽtoro quẽnarã ñaja yũ”, yitũoĩabesa. Ado bajirojũa tũoĩañã: “Yũ yarã ñaama’ manire ï yĩaroto rĩjorojũa, jud'io masarema, ‘Mũa sũori masa jedirore quẽnaruarõja ti’ ïnare yimasiñũju Dios”, yitũoĩañã mũa.

<sup>19</sup> To bajiro mũare yũ yigotiboajaquêne, mũa sigũri ado bajiro tũoĩarãja mũa: “Yucú rújuri rojosere mani jasurrearore bajirone jud'io masare, ‘Yũ yarã me ñaama’ ïnare yĩañumi Dios, ‘Gãjerã masa yũ rĩa ñato’ yigũ”, yitũoĩarãja mũa. To bajiro yitũoĩacõari, “Jud'io masa rẽtoro quẽnarã ñaja mani”, yitũoĩaboarãja mũa. <sup>20</sup> To bajiro tũoĩarãre ado bajiro cũdiaja yũ: Diore ïna ajitirũnũbeti sũori, jud'io masare reayumi Dios. To bajiro ïnare yiboarine, mũajũare ï yarãre bajiro mũare ïaami, ïre mũa ajitirũnũse sũori. ïre mũa ajitirũnũ sũyabeticõajama, ï yarã me ñaborãja. To bajiri, “Jud'io masa rẽtoro ñamasurã ñaja”, yitũoĩabeticõañã. Diojũare gũiya, “Yũare quêne rearomi” yirã. <sup>21</sup> Jud'io masa ïre ïna ajitirũnũ sũyabeti

suori, rojose ĩna yire vaja ĩnare masiriobesumi Dios. Olivo rujũre ñasũorirũju jatarocariarore bajiro ĩnare yiyumi. To bajiri mũa jud'io masa me ñarã quẽne, ĩre mũa ajitirũnu sũyabetijama, to bajirone yirũcũmi. <sup>22</sup> Diore mũa teboajaquẽne, mũare ĩamaicõari, quẽnaro ĩ yirere, to yicõari, jud'io masa, Cristo ocare ĩna ajitirũnubeti vaja “Yũ yarã me ñaama” ĩnare ĩ yirere tũoĩaña. Tire masirã ñari, “Cristore mani ajitirũnu tũjajama, manire quẽne, ‘Yũ yarã me ñaama’ yĩarũcũmi”, yimasiña mũa. <sup>23</sup> Jud'io masa quẽne, Cristo ocare ĩna ajitirũnũjama, ĩnare ĩamaicõari, “Yũ yarã ñaja mũa quẽne”, ĩnare yĩarũcũmi Dios quẽna. <sup>24</sup> Jud'io masa me mũa ñaboajaquẽne, ĩnare ĩ yisũoriarore bajirone mũare ĩamaicõari, “Yũ yarã ñaama”, mũare yĩañumi. To bajiro ĩ yire ñajare, “Quẽna ĩre ĩna ajitirũnũjama, josari mene, ‘Yũ yarã ñaama’ ĩnare yĩacõagũmi, jud'io masare”, yimasire ñaja.

*Jud'io masa rojose ĩna yise vajare Dios ĩnare ĩ yirẽtobosaroti*

<sup>25</sup> Yũ mairã, masa ĩna masibeticatire ado bajiro mũare gotiaja yũ: “ ‘Dios yarã ñari, yũa rĩne ñaja ĩ ocare quẽnaro riojo ajimasirã’ yibeticõato” yigũ, adi ocare mũare gotiaja yũ: Adirũmũri jud'io masa jãjarã ñarãma Cristo ocare ajiterã. Jud'io masa me Cristore ĩna ajitirũnũjediro bero, jud'io masa quẽne, Cristore ĩre ajitirũnũuarãma ĩna. <sup>26</sup> ĩna ajitirũnũjare, rojose ĩna yise vaja rojose ĩnare ĩ yiborotire ĩnare yirẽtobosarũcũmi Dios. Tirene, ado bajiro gotiaja Dios ocare masa ĩna ucamasire:

“Siõn vãme cuti macagũ ejarũcũmi, jud'io masa rojose ĩna yisere Dios ĩ masiriose vajare, ĩnare vaja yibosarocũ. Rojose ĩna yisere ĩ sũorine yitũjacõari, yare ajitirũnũuarãma quẽna.

<sup>27</sup> Rojose ñna yisere masiriocõari, yu goticatore bajirone yirucija yu”, yigotiaja Dios ocare masa ñna ucamasire.<sup>C</sup>

<sup>28-29</sup> Cristo ñ bajire suorine quẽnaro Dios ñ yisere jud'io masa jãjarã ñna ajiruabetijare, ñnare ñategumi Dios. Ñna ajiruabetijare, jud'io masa mejuare muare gotimasiocaju yua. To bajiboarine, jud'io masa ñicua ñamasiriarãre, “Yu rãa, quẽnaro yu yirona ñaruarãja, mua jãnerabattia quẽne” ñnare yir'i ñari, ñnare maicõa ñagumi Dios. To bajicõari, “Yirucija” ñ yiriarore bajirone yigu ñari, Cristo ñ bajirere ñna ajitirũnuro, ñnare quẽne, “Yu rãa ñnaama”, yĩarucumi. <sup>30</sup> Tirũmujuma Dios ocare ajiterã ñañuja mua maji. To bajiro bajiriarã mua ñaboajaquẽne, jud'io masa Dios ocare ñna ajiruabetijare, muajuare ñamaicõari, rojose mua yise vaja rojose mua tãmuoborotire muare yirẽtobosayumi. <sup>31</sup> To bajiri yucurema jud'io masa ñnaama Dios ocare ajiterã. To bajiro ñna bajiboajaquẽne, muare ñamaicõari, ñ yiriarore bajirone rojose ñna yise vaja rojose ñna tãmuoborotire ñnare yirẽtobosarucumi Dios. <sup>32</sup> Ado bajiro bajiyuja manire: Jud'io masare, ñna mere quẽne, “Yu bojarore bajiro yirã me ñnaama”, manire yĩañumi Dios, “Manire rijabosayumi” Jesure yituoĩarãre ñamaicõari, quẽnaro ñ yirotire yigu.

<sup>33</sup> Mani jedirore quẽnaro yigu ñagumi Dios. ¡Masijeogu ñagumi! Ñre bajiro quẽnaro yigu magumi. Ñimujane, ñ tũoĩasere, to yicõari ñ yisere quẽne masibecumi. <sup>34</sup> Ado bajiro gotiaja Dios ocare masa ñna ucamasire: “Dios, mani ujũ, ñ tũoĩasere masigũ magumi. Ñre gotimasiogũ magumi. <sup>35</sup> ‘Quẽnaro mani yijare, Dios quẽne quẽnaro manire yirocu ñagumi’ yimasibeaja mani”. <sup>36</sup> “Quẽnase yure yirũcubuo variquẽnato” yigu, ñajedirore rujeomasĩñumi Dios. To bajiro ñ yire ñaro cõrone cuogu ñagumi. To bajiro

<sup>C</sup> 11:27 He 8.8-12. b

bajigu ĩ ñajare, quēnase ĩre rūcubuo variquēnatujabetiroti ñaja, manire. To bajirone bajimuoŕgōato.

## 12

*“Dios ĩ bojasere yirūgūruarāja mani”*, yire queti

<sup>1</sup> To bajiri, yu mairã, Dios manire ĩ ĩamaisere masirã ñari, ĩ bojarore bajiro quēnase rĩne yiroti ñaja. To bajiro mani yiñajama, ĩre rūcubuoŕã yirāja mani. Tire ĩavariquēnagūmi Dios. <sup>2</sup> Adigodoaye rĩne tuoĩarã ĩna tuoĩarore bajiro tuoĩabetiroti ñaja muare. Muajuama, Dios ĩ ejarēmose rãca ĩ bojasere yirūgūña. To bajiro mua yijama, “Quēnasere, Dios ĩ ĩavariquēnasere yirã yaja”, yimasiruarāja.

<sup>3</sup> Yure ĩamaicōari, quēnaro yure yigu, yure gotic-udirotiyumi Dios. To bajiri ado bajiro muare gotiaja yu: “Mani masune Dios ĩ bojasere yimasiaja mani”, yituoĩabesa mua. Ado bajirojua tuoĩaña mua: “Tocārãcure ricatiri rĩne mani yimasirotire ujoyumi Dios. To bajiri, ĩ ejarēmose rãca yiruarāja”, yituoĩaña mua. <sup>4</sup> Mani rujure jairo ñaja. Āmo, cajea, gãmoru, gubo, gajeye quēne ñaja, cojo rujũ ñaboarine. Ricati rĩne yaja. Cajea rãca ĩa, gãmoru rãca aji, āmo rãca āmi, gubo rãca va, bajimasire ñaja manire. <sup>5</sup> To bajirone bajiaja Cristore ajitirũnurãre quēne. Jãjarã ñaboarine, Cristore ajitirũnurã ñari, cojo rujure bajirone bajiaja mani. To bajicōari, cojo masare bajiro quēnaro gãmerã ejarēmorũgũaja mani.

<sup>6</sup> Tocārãcure ricati rĩne ĩ bojarore bajiro mani yimasirotire manire ujoyumi Dios. To bajiri ĩ ujure mani yimasise rãca Cristore ajitirũnurãre ĩnare ejarēmoroti ñaja. “ĩnare yu gotisere ajicōari, gotirētobosarimasa ñato” yigu, ĩna yimasirotire ĩnare Dios ĩ ujure ti ñajama, “Tire manire ujoyumi” yituoĩacōari, gãjerãre gotimasiroti ñaja. <sup>7</sup> “Gãjerãre ejarēmoato” yigu, ĩna yimasirotire Dios

ĩ ɯjore ti ñajama, ñnare quẽnaro ejarẽmoroti ñaja. “Dios ocare ajimasicõari, gãjerãre gotimasioato” yigũ, ñnare ã ɯjore ti ñajama, “Tire manire ɯjoyumi” yituoĩacõari, quẽnaro gotimasioroti ñaja. <sup>8</sup> “Yũre ajitirũnũrã butobusa ajitirũnuato” yigũ, ñna gotimasiorotire ɯjoyumi Dios. Tire ɯjoecoriarãma, quẽnaro gotimasioroti ñaja. Maioro bajirãre gãjoa ãsigũma, “To bajiro yũ yise vaja yũre ejarẽmoruarãma ñna” yituoĩagũ me, ãsiroti ñaja. Rotirãrema, quẽnaro rotiroti ñaja. Maioro bajirãre ejarẽmorãrema, variquẽnase rãca ñnare ejarẽmoroti ñaja.

*“Ado bajise ñaroti ñaja Cristore ajitirũnũrã”*, yire queti

<sup>9</sup> Socarãne, “Mũare maiaja”, yitobesa. To yicõari, ñnare mai, ñnare ejarẽmo, rojose yibeti, quẽnase rĩne yirũgũña. <sup>10</sup> Cristore ajitirũnũrã ñnari, sīgũ rĩare bajiro bajiaja mũa. To bajirã ñnari, quẽnaro gãmerã ãamaicõari, rũcũbuoya, “Ñnajua ñaama ñamasurãma” gãjerã ñnare ñna yĩarũcũbuorotire yirã.

<sup>11</sup> Dios ã bojasere mũa yijama, teyējairãne yibesa mũa. Tocãrãcarũmũne Dios mũare ã ejarẽmosere tuoĩacõari, variquẽnase rãca ã bojasere quẽnaro yirũgũña.

<sup>12</sup> “Õ vecajũ manire quẽnaro yirũcũmi Dios” yimasirã ñnari, quẽnaro variquẽnase rãca ñnacõarũgũña mũa. Rojose tãmuoboinine, Diore ajitirũnũcõa ñnarũgũña. Ñre ajitirũnũcõari, “Yũare ejarẽmoña”, ãre yisẽnitũjabeja mũa.

<sup>13</sup> Cristore ajitirũnũrã rojose ñna tãmuojama, ñnare ejarẽmoña. Ejarãre quẽnaro yiya.

<sup>14</sup> Rojose mũare yirãre, “Quẽnaro ñnare yato Dios” yirã, ñnare sẽnibosaya.

<sup>15</sup> Gãjerã quẽnaro ñna variquẽnajama, ñnare variquẽnaejarẽmoña. Gãjerã ñna sutiritijama, ñnare sutiritiejarẽmoña.

<sup>16</sup> Gãjerã rãca cojo masare bajiro gãmerã ãamaiña. “Ñnamasurã ñaja yũ”, yituoĩabesa. “Ñnamasurã me ñaama”

gãjerã ãna yirãre baba cutiya mua. “Gãjerã rëtoro masirã ñaja yua”, yituoĩabesa.

<sup>17</sup> Quênase rĩne yirũgũña mua, “Quênaro yirã ñaama” masa ãna yĩarotire yirã. Rojose mũare yirãre ãnare gãmebesa mua. <sup>18</sup> Mua yimasiro cõro quênase rĩne yiya, “Masa jediro mani rãca quênaro ñato” yirã. <sup>19</sup> Gãjerã rojose mũare ãna yiboajaquêne, “Dios rĩne ñaami, masa rojose ãna yise vaja, rojose ãnare yirocu” yirã ñari, rojose mũare ãna yijama, ãnare yigãmebesa mua. Dios ocare masa ãna ucamasire ado bajiro gotiaja: “Yu ñaja, rojose ãna yise vaja, ãnare rojose yirocu”, yigotiaja ti. <sup>20</sup> Gaje vãme, ado bajiro gotiaja, rojose manire yirãre ãnare mani yirotire yiro: “Mũare ãategu ĩ ñiorijajama, bare ĩre ecaya. ĩ idirũajama, ĩre ioya. To bajiro ĩre mua yijama, rojose mũare ĩ yisere tuoĩacõari, mũare bato bojonercumi”, yigotiaja Dios oca. <sup>21</sup> Gãjerã rojose mũare ãna yijama, rojose ãnare yicõarũaboarine, quênasejũare yicõa ñaña.

## 13

<sup>1</sup> Dione ñagũmi masa mũjarã ñaronare ãnare cũri-masu. ĩ cũriarã ãna ñajare, ãna rotirore bajiro quênaro yirũgũrũarãja mua. <sup>2</sup> Dios ĩ cũrãre cudimenarema, ãna cudibeti vaja rojose ãnare yirucumi Dios. <sup>3</sup> Quênase yirãrema gũiorã me ñaama mũjarã. Rojose yirãjũarema gũiorã ñaama ãna. To bajiri quênase rĩne yiya mua. Quênase rĩne mua yijama, “Quênaro yirã ñaama”, mũare yĩarũarãma mua mũjarã. <sup>4</sup> “Masa quênaro gãmerã ejarẽmoato” yigu, mũjarãre cũgũmi Dios. To ĩ yiboajaquêne, rojose mua yijama, “Rojose yua yise vaja rojose yũare yirũarãma mũjarã” yimasirã ñari, ãnare gũirũarãja mua. “Rojose yirãre rojose ãna yise vaja rojose yũre yibosato” yigu, ãnare cũgũmi Dios. <sup>5</sup> “Rojose mani yise sũori rojose manire yiroma” yituoĩarã ñari, mũjarãre cudirũgũrũarãja mua. Tiaye rĩne, cudirã me, Gajeye quêne, “Mani cudisere

bojagumi Dios” yirã ñari, cudirũgũrũarãja. <sup>6</sup> Masa Ƴjarã Diore moabosarũgũama, manire “Quẽnaro ñato” yirã. To bajiri manire ña moabosase vaja ñnare vaja yiroti ñaja.

<sup>7</sup> Mũa Ƴjarã jedirore Dios ï bojarore bajirone quẽnaro ñnare yiroti ñaja. Ñna vaja taro cõrone ñnare vaja yiya. “Gajeye moare ñna yise vajare quẽne ñnare vaja yiya” mũare ñna yirore bajirone cudirũarãja mũa. To yicõari, quẽnaro ñnare yirũcũbuoya.

<sup>8</sup> Gãjerãre mũa vaja mojama, mũa vaja mosere vaja yiya. Mũa rãcanare ñamaiña. To bajiro mũa yijama, Dios ï rotise ñaro cõrone cudirã yirãja. <sup>9</sup> Dios ï rotimasire ado bajiro gotiaja: “Manajo cutirã, manajũ cutirã, manajo mana, manajũ mana quẽne, gãjerã rãca ajeriarã cutibesa. Sãbesa. Juarudibesa. Gãjerã ye gajeyeũnire bojaãbesa”, yigotiaja Dios ï rotimasire. To bajicõari, gajeye ñarẽmoaja Dios ï rotimasire. Tire cojo vãme mũare gotiguagu yaja yũ. Cojo vãme ti ñaboajaquẽne, tire quẽnaro mani cudijama, Dios ï rotise ñaro cõrone cudirã yirãja mani. Ñ rotimasire ado bajiro yaja: “Mũ masu rujure mũ mairore bajirone mũ rãcanare maiña”, yigotiaja Dios ï rotimasire. <sup>10</sup> Mani rãcanare mani maijama, rojose ñnare yimenaja. To bajiro mani yijama, Dios ï rotise ñaro cõrone cudirã yirãja mani.

<sup>11</sup> Tirũmũju Cristo ï bajirere ajisũorãjũne, “Tudie-jacõari, quẽnaro manire yirũcũmi”, yicõasũoyuja mani. To bajiri yucũrema, “Ñ tudiejarotirũmũ cõñadiaja” yimasirã ñari, tire tuoĩatũjamenane, butobũsa Dios ï bojarore bajiro yito mani. <sup>12</sup> Cristo ï ejarotirũmũ cõñacoajũ. To bajiri vãti ï bojasere ñna yirirodori jedicoato yaja. To cõrone rojose yirãre rearũcũmi Cristo. Tire masicõari, “Cristo manire ejarẽmoato” yirã, ñre sẽnito mani, “Rojose yirũaboarine, tire yibeticõari, ñ bojasejuare yirãsa mani” yirã. <sup>13</sup> To bajiro mani bajijama, quẽnase rĩne yirũarãja

mani. Boserũmuri ñaro idimecucõari, avasãmecucud-irãre bajiro bajibetiroti ñaja manire. Manajo cutirã, manajũ cutirã, manajo mana, manajũ mana quẽne, gãjerã rãca ajeriarã cutibetiroti ñaja. Gãmerã oca rãtobeticõato. Gãjerã ñna yisere ñajũnisinibeticõato mani. <sup>14</sup> Ado bajirojũa yirã ñato mani: “Mani Ƴjũ Jesucristo manire ejarẽmoato” yirã, ñre sãnirũgũto mani. Ñne ñagũmi manire ejarẽmogũ, “Rojose yiroma” yigũ. To bajiri ñ ejarẽmose ti ñajare, rojose yiruaboarine, tire yibetiruarãja mani.

## 14

“Cristore ajitirũnurã ñari, gãmerã ajirũcubũoto mani”, yire

<sup>1</sup> “Cristo yũre ejarẽmogũmi” yitũoĩagũ ñaboarine, tũoĩagũigũrema, quẽnaro ñre yiya. “Ado bajiro yiroti ñaja” ñ yisere ajicõari, “Bajibeaja. Ado bajirojũa yiroti ñaja, mũre”, ñre yi oca rãtobesa. <sup>2</sup> Sĩgũri, Cristore ajitirũnurã, “Bare vãme cuti ñaro cõrone mani bajama, quẽnaja”, yitũoĩaama ñna. Gãjerãma, “Cristo manire ejarẽmogũmi” yitũoĩarã ñaboarine, “Vaibũcu rii mani bajama, quẽnabetoja” yitũoĩagũicõari, bamenama ñna. <sup>3</sup> Bare jediro barãjũa, “Mani bajama, quẽnabetoja” yigũirãre, “Tũoĩamasimena ñaja mũa”, ñnare yibetiroti ñaja. Bamenajũa quẽne, jediro barãre, “Rojose yirã yaja mũa”, ñnare yĩnagõjaibesa, “Ñna quẽne, yũ rĩa ñnaama” Dios ñ yirã ñna ñajare. <sup>4</sup> Cristore ajitirũnurã, Dios ñ rotirã ñaja mani. To bajiri sĩgũri ñna bajisere ñacõari, “Quẽnaro yaja mũa. Ado yũa rãca ñaña”, ñnare yirã ñaboarine, ricati tũoĩarãrema, “Quẽnaro yibeaja mũa. Gajerojũ vasa”, ñnare yibetiroti ñaja. Dios sĩgũne ñnaami ti ñnare yimasigũma. To yicõari ñ rotirãre ejarẽmogũmi, “Yũ rãca ñnacõa ñato ñna” yigũ. To bajiri ricati tũoĩarãre quẽne, “Yũ rãca ñnacõa ñato”, ñnare yimasigũmi.



<sup>5</sup> Sīgūri, Cristore ajitirūnūrā ado bajiro tuoīaama ĩna: “Cojorūmune, gajerūmuri rētoro ñamasurirūmū Diore rūcubhoriarūmū ñaja”, yituoīaama. Gājerā Cristore ajitirūnūrā, ado bajiro tuoīaama: “Tocārācarūmune Diore rūcubhoroti ñaja”, yituoīaama ĩna. To bajiboarine ricati rīne mūa tuoīase, no yibeaja. Diore mūa sēnise ñaja ñamasusema, “Ī bojasere yaja” mūa yimasirotire yirā. <sup>6</sup> Sīgū ñagūmi, “Adirūmū ñaja ñamasurirūmū Diore rūcubhoriarūmū” yigu. Mani ujare Diore rūcubhogumi. Gājima, “Bare vāme cuti ñaro cōrone mani bajama, quēnaja” yigu ĩ bajama, “Quēnaro yaja mū”, Diore yigumi. Gāji, vaibucu rii babecu ñaboarine, gajeye bare bañagūne, “Quēnaro yaja mū”, Diore yirūcubhogumi ĩ quēne.

<sup>7-9</sup> Cristore ajitirūnūrā, mani masune tuoīacōari, yirā me ñaja mani. Ado bajiro bajiaja: Sīaecoboarine, tudicaticoasumi Cristo, ĩna catijaquēne to yicōari ĩna rijacoajaquēne, “Īna ujū ñarucumi” Dios ĩ yijare. To bajiri adigodo mani catiñaro cōro, mani rijato berojū quēne, “Yū masune rotiaja. Gāji yure rotibeami”, yimasīña manoja. Cristo yarā ñari, mani rijato berojū quēne ĩ yarā ñacōa ñaruarāja mani. To bajiri, Cristo ĩ bojase rīne yicōa ñaroti ñaja.

<sup>10</sup> To bajiro ti bajiboajaquēne, ¿no yirā, “Rojose yaja mūa”, mūa yarāre ĩnare yīñagōjai coderūgūati? To yicōari, ¿no yirā mūa yarāre, “Tuoīamasimena ñaja mūa”, yīīateati mūa? Mani ñaro cōrone, Dios ĩ ñarojū ejarona ñaja mani. To bajiri, “Ānoa ñaama quēnase yicana. Ānoa ñaama rojose yicana”, yīīabeserucumi. To bajiro ĩ yirotire masirā ñari, gājerā Cristo yarāre, “Rojose yaja mūa”, yīñagōjaibesa. <sup>11</sup> Ado bajiro gotiaja Dios oca Isa'ias ĩ ucamasire:

“‘Socu me yaja yū. Ado bajise bajiruroja ti, masa jedirore: Yū ĩaro rījorojūa yure rūcubhorā, gu-

somuniari tuetucõari, “Masa ñna yisere masigũ ñaja mũ”, yũre yirũarãma ñna’, yami mani mũ”, yiucomasiñumi Isa'ias.

<sup>12</sup> To bajiro ï yimasire ñajare, “Tocãrãcũne, ñna yire jedirore Diore ñre gotirũarãma ñna”, yimasijaja mani.

<sup>13</sup> To bajiri, “Rojose yaja mũ” gãmerã yĩnagõjajibe-tirũarãja mani. Tire yibeticõari, “Mani rãcanare rojose ñnare ñmato yirobe” yirã, quẽnase rĩne yito mani. <sup>14</sup> Yũ, mani mũ Cristo ï gotimasioicatire ajicacũ ñari, ado bajiro yaja yũ: “Bare vãme cuti ñaro cõrone mani bajama, quẽnaja”, yimasijaja yũ. To bajiro yũ yiboajaquẽne, ñarãma gãjerã Cristore ajitirũnũrã, “Vaibũcũ rii yũ bajama, rojose yigũ, yigũja yũ”, yitũoĩarãma. <sup>15</sup> “Vaibũcũ rii yũ bajama, quẽnabetoja” yigũ ñari, mũajũa tire mũa baro ñacõari sutiritigũmi. To bajiro ï bajisere masirã ñaboarine, mũa bacõa ñajama, “Mũre maibeaja” yirãre bajiro yirãja mũa. Mũa rĩ mere, gãjerãre quẽne rijabosagũ bajiyumi Cristo. To bajiri sĩgũ, Cristore ajitirũnũgũ, “Vaibũcũ rii yũ bajama, rojose yigũ yaja” ï yisere ajicõari, vaibũcũ riire babeja. “Mani basere ï bajama, ‘Rojose yigũ yaja yũ’ yitũoĩacõari, rojose tãmuotũjabetiriaroju vatomi” yirã, tire babetirũarãja mũa. <sup>16</sup> To bajiri, “Mani yise quẽnase ti ñaboajaquẽne, tire ñacõari, ‘Rojose yirã yama’ gãjerã manire yĩarãma” mũa yimasijama, tire yibeticõaña. <sup>17</sup> Mani barotire, mani idirotire bũto tũoĩaroti me ñaja. Mani mũju ï bojarore bajiro quẽnaro mani yisejuare tũoĩaroti ñaja. To yicõari, Esp'iritu Santo manire ï ejarẽmose sũorine gãjerã mani rãca quẽnaro ñna variquẽnarotijũare tũoĩaroti ñaja, manire. <sup>18</sup> Esp'iritu Santo ï ejarẽmose sũorine Cristo ï bojarore bajiro quẽnaro mani yijama, “Quẽnaro yirã ñaama”, manire yĩavariquẽnagũmi Dios. To bajicõari, masa quẽne, “Quẽnaro yirã ñaama”, manire yĩarũarãma ñna.

<sup>19</sup> To bajiri butobusa ĩ bojarore bajiro mani yijama, gãmerã ejarẽmorã yirãja mani, “Jediro Cristo ĩ bojarore bajiro yirã ñarãsa mani” yirã. <sup>20</sup> To bajiri sĭgũ, Cristore ajitirũnugũ, mua baroti ñaboasere ĩacõari, “Babetiroti ñaja” ĩ yijama, tire babetiruarãja mua. “Mani basere ĩ bajama, ‘Rojose yigu yaja yu’ yituoĩacõari, rojose tãmaotujabetiriaroju vatomi” yirã, tire babetiruarãja mua. Mani base jediro quẽnase rĩne ñacõaja. To bajiboarine mani rãcagu Cristore ajitirũnugũ, “Vaibucu rii yu bajama, rojose yigu yaja” ĩ yĩasere, mani bajama, rojose ĩre yirorãre bajiro yirãja mani. <sup>21</sup> Mani rãcagu Cristo yu, mua basere, uye oco mua idise, to yicõari, gajeye no bojase mua yisere ĩacõari, ĩ quẽne ĩ yijama, “Rojose yigu yaja”, yituoĩagũmi. To bajiro tuoĩagũ ĩ ñajare, to bajiro mua yijama, rojose ĩre yirorãre bajiro yirãja mua. <sup>22</sup> To bajiri, “Bare vãme cuti ñaro cõrone mani bajama, quẽnaja”, “Mani bajama, quẽnabeaja” mua yituoĩasere, gãmerã gotimenane, Dios sĭgũrene mua tuoĩasere gotiroti ñaja. “To bajiro yua yisere ĩacõari, ‘Quẽnaja’ yĩagũmi Dios” yirãma, variquẽnarãma. <sup>23</sup> “Yu bajama ¿Dios ĩ bojabetire yirojari yua?” yiboarine ĩna bacõajama, rojose yirã yirãma. To bajirone bajiaja. “Dios ĩ bojabetire yirã yaja” yiboarine, mani yijama, manire quẽne rojose ñaroja.

## 15

*“Mani ñaroti rĩne tuoĩaroti me ñaja”, yire queti*

<sup>1</sup> “Cristo yuare ejarẽmogũmi” yituoĩarã ñaboarine, tuoĩagũirãre, “To bajiro mua bajise quẽnabeaja” ĩnare yimenane, ĩnare rũcubucõaña. Mua ñaroti rĩne tuoĩame-nane, tuoĩagũirãre ĩnare ejarẽmoroti ñaja. <sup>2</sup> Mani rãcana Cristore ajitirũnurã, gãjerã ĩre ajitirũnurã ñaboarine, tuoĩagũirã quẽne, ĩnare ejarẽmoroti ñaja, “Butobusa Cristore ajitirũnucõari, variquẽnase rãca quẽnaro ñato ĩna”

yirã. <sup>3</sup> Cristo adigodo ejacõari, ï yiriarore bajiro yito mani. Ì sīgũne ï variquēnarotire bojagũ me ñañumi. Mani variquēnarotijũare bojagũ ñari, buto rojose tãmuõumi, manire ejarēmogũ. To bajiri, ado bajiro gotiaja Dios ocare masa ñna ucamasire: “Rojose yirã, mure ñna rũcũbuo-  
betijama, yũrene rũcũbuomena yicama”, yigotiaja Dios ocare masa ñna ucamasire, Cristo ï jacure Diore ï yirere yiro. <sup>4</sup> Jediro Dios ocare masa ñna ucamasire quēnaro manire gotimasioaja ti. To bajiri tire mani buejama, quēnaro gotimasiocõa ñaruarãja mani, “Butobusa Cristore ajitirũnũato ñna” yirã. To bajiri, “Õ vecajũ manire quēnaro yirucumi Dios” yimasirã ñari, variquēnacõa ñaruarãja mani. <sup>5</sup> Dios manire ejarēmoami, “Ìna rãcanare gotimasio-  
cõa ñaruarãma” yigũ. “Yũre ajitirũnũcõa ñato” yigũ, mani variquēnarotire cõaami. To bajiri, butobusa mũare ejarēmoato Dios, mũa gãmerã mairotire yigũ. To bajiro ï yijama, Jesucristo ï bojarore bajiro yirã ñaruarãja mũa. <sup>6</sup> To bajiro manire ï ejarēmojare, mani ñaro cõrone mani ãjũre Jesucristo jacure ïre rũcũbuo variquēnaruarãja mani.

*Jud'io masa mere Cristo ï bajirere ñna gotimasiore queti*

<sup>7</sup> To bajiri, “Yũ yarã ñaja mũa” Cristo mũare ï mairiarore bajirone gãmerã maiña mũa. Mũa gãmerã maisere ïacõari, “Dios suorine bajaiaja” yirã ñari, “Quēnagũ ñagũmi Dios”, ïre yiruarãma masa. <sup>8</sup> Adi macarucuro-  
jũre jud'io masare ñnare ejarēmogũ vayumi Cristo. Yũa ñicũare, “ “To bajiro bajirũaroja” ñnare ï yimasiriarore bajirone yigũ ñaami Dios’ yimasioato ñna” yigũ, yũare ejarēmoñumi. <sup>9</sup> Jud'io masa rĩ mere ejarēmogũ vagũ bajiyumi Cristo. Jud'io masa mere quēne ejarēmogũ bajiyumi. “Masare Dios ï ïmaisere masicõari, ïre quēnaro rũcũbuo variquēnato jud'io masa, jud'io masa me quēne”

yigũ, vayumi Jesús. To bajisene gotiaja Dios ocare masa ña ucamasire:

“Jud'io masa me, yũ rãca mũre yivariquēnato ña' yigũ, varũcũja yũ. Yũ sũorine mũre yirũcũbuocõari, basarũarãma ña”, yigotiaja Dios ocare masa ña ucamasire, Cristo ï jacũre ï gotirere yiro.

<sup>10</sup> Quēna gajeye ado bajiro gotiaja Dios ocare masa ña ucamasire:

“Mũa jud'io masa me, Dios yarã jud'io masa rãca cojo masare bajiro variquēnarũarãja mũa”, yigotiaja Dios oca.

<sup>11</sup> Gajeye quēne ado bajiro gotiaja ti:

“Jud'io masa, ña me quēne, masa jediro ïre rũcũbuo variquēnarũarãja mũa”, yigotiaja ti.

<sup>12</sup> Isa'ias ñamasir'i quēne ado bajiro ucamasiñumi:

“Isa'ï jãnamĩ sigũ ruyuarũcũmi, jediro masa ẽju ñarocũ. ïre ajitirũnũcõari, ï sũorine Diorãca quēnaro ñarũgũrũarãja mani' yirũarãma ña”, yucamasiñumi Isa'ias.

<sup>13</sup> “Cristo sũorine Diorãca quēnaro ñarũgũrũarãja” yitũoĩamasirere manire cõagũ ñagũmi Dios. ïrene ado bajiro mũare sēnibosaja yũ: “Mũre ajitirũnũrũtuacõari, quēnaro variquēnarã, mũ rãca quēnaro ñacõa ñato ña' yigũ, ñnare ejarēmoña. To yicõari, 'Esp'iritu Santo ï ejarēmose rãca bũtobũsa tire masiatio ña' yigũ, ñnare ejarēmoña”, Diore mũare yisēnibosaja yũ.

“Diore gotirētobosagu yũ ñarotire Dios ï cõar'ï ñari, mũare ucacõagũ yaja”, Pablo ï yire queti

<sup>14</sup> Yũ mairã, “Quēnaro yirã ñarãma ña. Cristo ocare quēnaro masirã ñari, quēnaro gãmerã gotimasiorã ñarãma ña”, mũare yimasijaja yũ. <sup>15</sup> To bajiro mũa bajisere masigũ ñaboarine, papera rãca quēnaro riojo mũare gotiaja yũ. “Tirũmũju mũa ajirere masiritibeticõato” yigũ, mũare ucacõaja yũ. Dios yũre ïamaicõari, ï ocare

gotirētobosagu yu ñarotire ĩ bojacati ñajare, muare ucaja yu. <sup>16</sup>“Jesucristo ĩ bajirere jud'io masa mere gotimasiato” yigu, yure cōacami Dios. To bajiro ĩ yicati ñajare, yu gotimasiosere ajicōari, Cristore ajitirūnuama jud'io masa me ñarā. ĩre ajitirūnurā ñari, Esp'iritu Santo ĩ ejarēmose rāca “Rojose mana ñaama”, Dios ĩ yiñarā ñari, ĩ yarā ñaama.

<sup>17</sup> To bajiri, “Dios ĩ bojasere yigu, Jesucristo suorine quēnaro moaja”, yivariquēnaja yu. <sup>18-19</sup> Jud'io masa mere yu gotimasiojama, yu masune tuoīacōari, gotigu me yaja. Cristo, ĩ ejarēmose rāca gotimasioaja yu. Tire ajicōari, Cristo ĩ ejarēmose rāca quēnaro yu yisere ĩacōari, to yicōari, Esp'iritu Santo suorine ĩaīañamani yu yiōsere ĩarā ñari, “Yure ejarēmorucumi Cristo”, ĩre yituoīasuoama ĩna. To bajiri, Jerusalénjune Cristo ĩ bajirere gotisuoacu, gaje macarire quēne goticudigu rīne, Iliria sitaju gotiejocaju yu. <sup>20</sup> “Cristo ĩ bajirere gotimasioñamana ĩna ñarojure, gotimasioḡ varucuja”, yituoīa vadirūḡucaju yu. Gājerā ĩna goticōariarojurema gotimasioḡ varuabeticaju yu. <sup>21</sup> To bajiro yu bajirotire yiro, ado bajiro gotiyuja, Dios ocare masa ĩna ucamasire: “Cristo ĩ bajirere masibetiriārā, gotimasio ecoruarāma. To bajiri, tire ajimasiruarāma”, yigotiyuja ti.

*Romaju* Pablo ĩ varua tuoīare queti

<sup>22</sup> To bajiri, Cristo ĩ bajirere gotimasioñamana ĩna ñarojūare gotimasio cudigu ñari, mua ture varuaboarine, vabetirūḡucaju yu maji. <sup>23</sup> Tirūmujune mua tu varuacōa ñacaju yu. To bajiro bajiruarūḡucacu ñari, adi sitanare ĩnare gotimasiojeocōari, mua tujua varua tuoīaja yu yuja. <sup>24</sup> Españaju vacu muare ĩarētoarucuja yu. To bajiri mua rāca yoaro variquēnacōa ñaruagu ñaboarine, yoaro mua rāca ñabetirucuja yu, bajigujuma. To bajiboarine mua ejarēmose bojaja yu, España yu ejamasirotire yigu. <sup>25</sup> To

bajiro yu bajiroto rjoro Jerusalénju vacocu yaja maji, Cristore ajitirünuräre ñare ejarēmoguas. <sup>26</sup> Cristore ajitirünurã, Macedonia vãme cuti sitana, Acaya vãme cuti sitana quêne, ado bajiro tuoĩañujarã ña: “Jerusalén macana, Cristore ajitirünurã maioro bajiräre gãjoa rãca ñare ejarēmoto mani”, yituoĩañujarã ña. To bajiro yituoïariarã, ña ñisirere juacõari, Jerusalén macanare ñisiguas yaja yu. <sup>27</sup> Ña masune tuoïacõari, “Ñare ejarēmoto mani”, yituoĩañujarã ña, jud'io masa me ñaboarine. Jud'io masa suorine, jud'io masa mere, Dios yarã ña ñase ejayuja ti. To bajiri jud'io masare maioro bajiräre ejarēmoroti ñaja. <sup>28</sup> To bajiri Jerusalén macanare gãjoa ñare yu ñisiro bero, Españaju vacu, muare ñarëtoarucuja yu. <sup>29</sup> “Mua tu yu ejaro, mani ñajediro mani variquënarotire cõarucumi Cristo”, yimasaja yu.

<sup>30</sup> Yu mairã, Jesucristore ajitirünurã ñaja mua. To bajicõari, Esp'iritu Santo suorine gãjeräre ñamairã ñaja. To bajiri yu bajisere tuoïacõari, Diore yure sënïejarëmoña yaja yu. <sup>31</sup> “Judeana Cristo ñ bajirere yu gotisere ajiterã rojose yure yiroma” yirã, Diore yure sënïejarëmoña. To yicõari, “Jerusalén macana, Cristore ajitirünurã gãjoa yu ñisiro tire variquënase rãca boca juato ña” yirã, Diore yure sënïejarëmoña. <sup>32</sup> To bajiri Diore yure mua sënïejarëmojama, variquënase rãca mua tujũ ñagũ ejarucuja yu, Dios ñ bojajama. Mua tujũ eja, mua rãca quënarõ ususãjarucuja yu. <sup>33</sup> Dios, quënarõ mua ñarotire muare ejarëmoato ñ. To bajirone bajiato.

## 16

*Pablo ñ quënaroticõare queti*

<sup>1</sup> Febe vãme cutigore mua tu sore cõagũ yaja yu. Dios suorine Cristore ajitirünugõ ñaamo so. Cristore

ajitirūnūrã Cencrea vãme cūti macana rãca Diore moabosarimaso ñaamo so. <sup>2</sup> Sone ñaamo jãjarã Cristore ajitirūnūrãre quēnaro ejarēmorio. Yure quēne ejarēmorūgūmo. To bajiri m̄a t̄a so ejaro, “Mani ɱj̄re ajitirūnūgō ñaamo so quēne” yimasirã ñari, so bojase cōro sore yirēmoña, “Cristore ajitirūnūrã ñaja mani” yirã.

<sup>3</sup> Yure bajiro Jesucristo ocare gotimasiorã ñacana, Prisca, so manaju Aquila, quēnato ña. <sup>4</sup> “Īre mani ejarēmojama, manire quēne sīarãma” yimasiboarine, yure ña sīaborotire yirētobosacama ña. To bajiri, “Quēnaro yure yicaju m̄a”, ñare yiucacōaja yu. Yu sīgū mere, “Quēnaro yirã yicaju m̄a”, ñare yaja yu. Yu sīgū me to bajiro m̄are yicōaja yu. Jud'io masa me, tocãrãca macariana Cristore ajitirūnūrã quēne, yirūgūama. <sup>5</sup> Quēnato Cristore ajitirūnūrã Aquila ya vi rējarūgūrã. Quēnato yu maigū, Epeneto quēne. Ī ñaami Asia sitagu Cristore ajitirūnūsor'i. <sup>6</sup> Mar'ia, quēnato, buto m̄are ejarēmorio quēne. <sup>7</sup> Yu yarã, Andrónico, Junias quēne quēnato. Īna rãca tubiberiaviju ñacaju yu. Īna ñacama yu rījoro Cristore ajitirūnūsoriarã. Cristo ocare ajitirūnūrã ña cōarã rētoro quēnaro yicudiyuma ña.

<sup>8</sup> Quēnato yu maigū Ampliato quēne. Mani ɱj̄re ajitirūnūgū ĩ ñajare, ĩre buto maiaja yu. <sup>9</sup> Gãji, yure bajiro Cristo ocare gotimasioḡū, Urbano vãme cūtigū, quēnato. To bajicōari, yu maigū Estaquis quēne, quēnato. <sup>10</sup> Apeles quēne, quēnato. Rojose tãmuoarine, Cristore ajitirūnucōa ñacami. Aristóbulo, to yicōari ĩ ya viana quēne, quēnato. <sup>11</sup> Yu yu Herodión quēne, quēnato. Mani ɱj̄u Cristore ajitirūnūrã Narciso ya viana, quēnato. <sup>12</sup> Trifena, to yicōari, Trifosa quēne quēnato. Mani ɱj̄u Cristore buto moabosarimasa ñaama. Mani maigō Pér-sida quēne, quēnato. So quēne, mani ɱj̄u Cristore buto moabosacamo. <sup>13</sup> Rufo quēne quēnato. Cristore quēnaro



ajitirūnugū ñacami. Ī jaco quēne quēnato. Sone ñacamo, yu jacore bajiro yure maicaco. <sup>14</sup> To yicōari, As'incrito, Flegonte, Hermes, Patrobas, Hermas, ñna rācana quēne, Cristore ajitirūnurā jediro quēnato. <sup>15</sup> Filólogo, Julia, Nereo, to yicōari, ĩ bedeo quēne, quēnato. Olimpás, to yicōari, ñna rācana Cristore ajitirūnurā jediro quēnato.

<sup>16</sup> Cristo suorine cojo masare bajiro bajirā ñari, quēnaro gāmerā yisēniā, yiñaña mua. Adoana, Cristo ocare ajitirūnurā jediro, muare quēnaroticōama ñna.

<sup>17</sup> Yu mairā, gajeye ado bajiro muare gotimasioaja yu: Mua rācana sīgūri ricati ñna gotijare, sīgūre bajiro tuoīamenaja mua. Cristo oca mua ajiriarore bajiro me bajiaja ñna yisema. To bajiri ñnare cāmoticōaña. <sup>18</sup> Mani ujū Cristo ĩ bojasere yirā me ñarāma ñna. Ñna tuoīarore bajiro yirā ñari, socarāne quēnaro gotitorāma. To bajiri socase ñna gotisere ajitirūnurāma, quēnaro tuoīamasi-mena. <sup>19</sup> Muarema, ñnare bajiro mua bajibetijare, “Ñna ujarāre quēnaro cudirā ñaama”, yama masa, muare. To bajiro mua bajisere ajivariquēnaja yu. To bajiri, quēnase rīne mua yisere bojaja yu. <sup>20</sup> Quēnaro mani ñarotire cōagū ñaami Dios. To bajiro yigu ñari, vātia ujure ĩre cūdaabogure bajiro yirucumi, “Socarimasa ñna gotiboasere ajibeticōato ñna” yigu. To bajiri, “Quēnaro ñnare yiya” mani ujū Jesucristore muare yisēnibosaja yu.

<sup>21</sup> Yu baba, Cristo ocare gotimasioagū, Timoteo vāme cutigu, muare quēnarotiami. Yu yarā Lucio, Jasón, Sos'ipate quēne, muare quēnarotiamā.

<sup>22</sup> Yu Tercio, Pablo ĩ rotirore bajiro adi paperare uca-bosagu quēne, mani ujū Cristore ajitirūnugū ñari, muare quēnarotiaja yu.

<sup>23</sup> Gayo quēne, muare quēnarotiami. Ī ya vijune ñacōari, Cristore ajitirūnurā rējarūgūaja. Erasto adi

macajure gãjoa codebosarimasu quêne, mware quênarotiami. Cristo suorine mani yu, Cuarto vãme cutigu quêne, “Quênato”, mware yami.

<sup>24</sup> To bajiri, “Quênaro ñnare yiya”, mani wju Jesucristore mware yisënbosaja yu. To bajirone bajiato.

“Diore rucubuo variquênato mani”, yire queti

<sup>25</sup> Diore rucubuoã ñari, “Quênaro yigu ñaami. Rëtoro masigũ ñaami”, Diore yirucubuo roti ñaja. Ì ocare quênaro mua ajitirũnjama, “Manire ejarëmogũmi Cristo” mua yituoïarotire cõarucumi Dios. Ì ocare gotimasiorũgũaja yu, masa rojose ñna tãmuborotire Cristo ì yirëto bosarere. Tirũmujuma ti ùnire gotimasio ecobesuja maji. <sup>26</sup> To bajiboarine, Diore gotirëto bosariã ñna ucamasirere ajicõari, “To bajise bajiro tire gotiro yaja”, yimasibesuma. Adirũmũreima, “‘Cristo ì rijabosare ti ñajare, “Quênarã ñaama”, manire yĩagũmi Dios’, masa jediro yure yimasiato” yigu, ti oca mani ajimasiro tire manire cõañumi Dios, adi macarucuroju ñnacõa ñarũgũgũ.

<sup>27</sup> Ì ñagũmi jediro masigũ. Gãji ñre bajiro bajigu magũmi. Jesucristo manire ì codese suorine ñre yirucubuo variquênacõa ñnato mani. To bajirone bajiato.

To cõrone ñaja.

## **Dios oca gotirituti**

### **New Testament in Barasana-Eduria (CO:bsn:Barasana-Eduria)**

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

### **Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### **The New Testament**

in Barasana-Eduria

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 8 Sep 2021 from source files dated 18 Aug 2021

b6661d38-f021-5259-8010-5dec5b9ba28d